

1 भगवानन पुरुयू येशूनं बारा मां खबर सुरु.  
2 यशया नेवताळानं किताब मां लिखोलो छेने की.  
में एक दूत तारा अगळ मुकल्यो. चू तारी - वाट  
तीयार करसे.

3 बयड़ा मां नेवता देणारानं अवाज समळाये की  
भगवानन् वाट तीयार करु. तेरी वाट सुदी करो.

4 तेरे हिसाब शी पापन् माफी करावणेन करता.  
बाप्तीस्मा करनेवाळू यूहान मनं वळावनों करीन -  
पाणीमं बाप्तीस्मा करने, गालील रहणें वाळू -  
बयड़ा मां देखायू.

5 तत्यार यहूदिया देश व यरूसलेमं मां रोहणें -  
वाळा खूब माणसे आंपणू - आंपणू पाप कबूल  
करीन - यार्देन नोंद मां बुडीन तेरे हात से बाप्तीस्मा  
लेदा.

6 यूहानन् उटड़ानं केशन पेहराव, चापड़ान  
कमर - पट्टू हतू. तेरो खाणं महाळ एने टूळ हता.

7 चू जूरेच प्रचार करीन कहूतलू की,  
मरे पछोळ -

एक ताकतवान माणूस आवे. तेरा खासड़ान बंद  
छूडने - "मै" लायक नी होय.

द "मै" तुमरो बाप्तीस्मा पाणीमं बुड़ावीन कच्यू.  
चू तुमरो बाप्तीस्मा चखू आत्मा से करसे.

**येशून पाणी मां बुड़ीन बाप्तीस्मा.**

९ तीनो दाहड़ा मां असं होयो की. गालील देशनं-  
नासरेथ खतू यूहानन् हाते, येशू देवनं पाणीमं —  
बुड़ीन बाप्तीस्मा होयू.

१० अळी तत्यारूच पाणीमं खतू उपर आयू.  
तत्यार — स्वर्ग उगड़ी गयो, एने भगवानन् शक्ति  
पेर,वा — सारकी आवतली देखाई.

११ एने असू आवाज आयू की. तू मारु लाड़कू —  
पुन्यू. छे. तारे बदल में खुशी छे.

**येशून भूत परिकशा लेदू.**

१२ येशू काजे भगवानन् शक्ति घणां बयड़ा मां  
— ली गयो.

१३ भूत येशूनं परिकशा लेदू. तीने टेमे येशू —  
बयड़ा मां चाळीस दाहड़ानं उपास रयू. जगंली —  
जनवार मां रयू. एने स्वर्गन देवदन तेरी — सेवा  
कन्या.

**येशूनं कामंन सुरुवात.**

१४ यूहानक धरनेंन अळते. गालीन शहरो —

भागां मां येशू देवन्, खबर देतू हतू.

१५ टेम पूरी होय गयी भंगवाननं राज सडे —  
आय रयू. पाप छुडू खरी वाते पर भूरसू भेकू.

१६ अळते चे गालील दरिया धडे जाता हता.  
सिमोन तेरु भाईस आंद्रीयस ' दरिया मां. माछानं  
जाळ नाकतला — देख्या. चे माछा धरन्या हता.

१७ येशू तीनू काजे कयू मारे पछळ आवू. में तूमू  
काजे माणसे धरन्या बगावीस.

१८ अळते तत्यारूच जाळे छूडीन चे येशू —  
पछेळ गया.

१९ चाँ खता अगा गया. ने जबदीन पुच्यू —  
याकोब तेरु भाईस यूहान नावंमां जाळे सुदारतला  
— देख्या.

२० येशू तत्यारूच तिनूक बुलायू. अळते तेरु —  
बास जबदी काजे, नांव बरोबर छूडीन चे तेरे —  
पछाळ गया.

२१ अळते चे कपरनहमं गांव मां गया. येशू —  
चूखले दाहाडे, चाँ शिक्षण देदू.

२२ तेरे शिक्षण पर खता माणसे चक्कराय —  
गया. कारण की तेरो शिक्षण धर्म पुढारी सारख नी  
हय, ते अधिकार सारखं हतं.

२३ तिनंच टेमे सभानं जगे. एक भूत — लागलू  
माणंस हतू.

२४ चू अवाज दीन कयो की. हे येशू देव —  
नासरेथ वाळा आमरे मां काह आयू. आमू काजे —  
खतप्त करने आयू काय? तु कूण छे. मेसे काजे —  
मालंम छे. भगयानंन् चूखलू तूच छे की.

२५ येशू ताना काजे डाटावीन कयो की. तू हुगू रय  
अने याँ खतू निकळ.

२६ तत्यार भूत आवाज करीन मुंयडीन तीना —  
माणस् मां खतू निकळी गयू.

२७ तत्यार आखा माणंसे चक्कराय गयाकी,  
आपसंमा पूछणें बज्या, य काय छे? आधिकारंन —  
शाक्ति से शिक्षण देये. अने भूते तेरो हुकूम समळे.

२८ तेरो नांम गालील शहरोन् आसपास फैलाय  
— गयो.

**येशू पेत्रसनं सासूस काजे वारु कन्यू.**

२९ मंदिर मां खता निकळीनं याकोब — अने  
यूहानक लिन सिमोन, आदीयानं घर — गया.

३० सिमनंन सासूस सेरी वाळी हती. तेरे — बांरा

मां तिनो काजे कयो.

३१ अळते तिनी इंचां जाइन हात धरीन —  
उठाइयो. ची सेरी मां ती वारु हौय गई. अने तेरी  
सेवा करने लागी.

३२ साझून टेमे माणंसे रेट बेमार भूत लागला —  
तेरे चां लाया.

३३ आखा शहरनं माणसोनं घरन झपला पर —  
गदीं हय गई.

३४ तेरे अगळ 'अगळ रुगायला माणंसे आवीन'  
वारु होय गया. रेट भूते निकळया अने भूते 'येशू  
काजे उळख्या, तीनू काजे येशू बुलने — नी देदू.

३५ अळते सन्दारे वेगू अठीन चू बयडा मां —  
जाइन प्रार्थना करी.

३६ तत्यार तीना काजे सिमोन व जे साथी —  
हेरता हेरता गया.

३७ चू भेटया तत्यार कयो की. तुसे काजे —  
आखा माणंसे हेरे.

३८ तत्यार तीनू काजे कयू की. भाषण करनेन —  
करता आपणू गावं मां जाजे. में इनेच कामें आयू.

३९ गालील भागो मां भूते निकळया अने —  
भाषण करता फिच्या.

**येशू कुड़ावा काजे वारु कन्यू.**

४० तत्यार कुड़ाव माणूस तेरे चाँ आयू. अने — पाया पड़ीन विंनती करी की. तारी भर्जी — होय तत्यार मेसे वारु कर.

४१ तीना मणसा काजे देखीन तिना काजे तरस आई गई. तेरो हात धरीन कयो की. मारी ममता से तू वारु हय.

४२ तत्यारुच तेरो कुड़ाव जाईन माणूस — वारु होय गयू.

४३ तत्यार तीना काजे ताकीद दिन मूकली — देदू.

४४ अने कय की, तू कूणी काजे कहतू झूणी. तू धर्म पुढारी काजे देखड़जी. तीनू काजे — विश्वास पंटणो जूवे, करीन जूनेम मोशेनं छे — च तू भेट कर.

४५ पूण चू माणूस आरवा भागो मां जाइन — येशूने बारा मां कय, तेरे शी येशू काजे — उघड. शहर मां किरने मुश्किल हय गयो — च बयडा मां रयू ते बी दूर दूर रवता माणसे तेरे चाँ आया.

**२ येशू एक लकवा बिमार काजे वारु कन्यू.**

१ थूलाक दाहाडा मां कफर नहम शहर मां आयू

— माणसों काजे मालम हयो की. चू घर छे.

२ तत्यार अत्रामाणसे आया की झपला — पर जागानी रव्ही. तत्यार तीनों काजे — भाषण करतू हतू.

३ तीनेच टेमे एक लूला माणसों काजे — चार जणां उचलीन लाया.

४ घरनं झपला पर माणंसन भीड. (गर्दी) हयणे से तीना बीमार काजे घरनं मांहतो — लीजाणें कठीणं हतो. तेरे से तीना काजे घरो — पर चडवीन कवला हेडीन, तीनाक रवाटली — पर लूटाडीन. येशूहतू चाँ सारे तिना काजे — छुडयू.

५ तेरू विश्वास देरवीन. तीना बीमार माणसों — काजे कय की. पुन्या तारा पापनं माफी होय गई.

६ धर्मी पुठारी चाँ बस रया हता. तिदंरामन — मां असू विचार आयू की.

७ यू असू काह कव्हे? च देवनं निंदा करे. देव शिवाई कुण पापनं माकी आपे?

८ चे माणसे रवूद असा विचार करतला. तत्यार येशू तिदंरू विचार मनमां उळरवीन — कयू की. मन मां असलू कपट काह लावतला?

९ तारा पापनं माफी हयगई. कहणें सूपो छे अने

तारी खाटली हुचलीन चाल कहणे सूपो छे?

१० पूणं भगवानंन् पुन्या, ईनी धरती पर पापंन  
— माफी करने अधिकार छे. य तुमूक समेजणं —  
जूवे करिन. चू लकवा वाला लूल्ल. काजे कब्हे.

११ रवाटली. उचलीन आपणें घर जा.

१२ अळते चू सारा माणंसन सामने रवाटली —  
उचलीन चाल पडयो सब माणंसे चक्कराय — गया.  
देवन ब. डाई करीन कहणें लाग्या. आमू — असं देवन  
काम पेहले नी देरव्या.

लेवी काजे काम करने बुलायू.

१३ चू चाँ रवतू निकळनि दरीया धड़ेगयू —  
आरवा माणसे तेरे चां गया तिनू काजे शिक्षण — देतू  
हतू.

१४ चाँ रवता जाता हता. तत्यार अल्फीन — पुन्यू  
लेवी नाकापर बसला देरव्या — येशू तिना कयू मारे  
पछळ आव तत्यारूच. उठीन चू तेरे पछळ गयू.

१५ अळते असो होय की. तेरे घर रवाणें गयू. चाँ  
सारे रेट पापी माणसे बी पंगातमं बश्या — कारण  
तेरे पछळ रवूप माणसे आवला हता.

१६ मटा—मटा पुढारी नाका वाळा माणसे बी —  
तेरे साते रवाता हता. तिने टेमे धरम पूढारी — चेल



कहता हता. की यू माणूस पापी माणंसो — भेळतू  
काह रवातलू?

१७ य समळीन येशू कव्हे की. वारला माणंसो —  
काजे. डॉक्टर न गरज नी होय. ती—बिमार — माणसों  
काजे डाक्टरनं गरज छे येशू धर्मी — माणसों काजे  
बुलावणें नी आयू. ती पापी माणसो काजे बुलावणे  
आयू.

**उपासनं बारा मां सवाल.**

१८ यूहानन चेला अेने परूशी माणंसें उपास —  
करतला. तत्यार माणंसे आवीन कहणें लाग्या. तारा  
चेला काह उपास नी करतला. एरो मतलब — काय?

१९ येशू तीनों काजे कयू की? जांह तक — वरात  
पाहणां भेळता छे. चाँ तक उपास करने — जरूरी छे  
काय? वरात पाहणां साते रहणे. से उपास करनेन  
काम निमेळे.

२० असा दाहाडा आवे की पाहणा काजे चाँ —  
रवतू निकाल लेसे. तीने टेमे माणंसे उपास — करसे.

२१ कूदू नवीन कापडानं ठिगळो जूना कापडान  
नी लागाडे. तेरो मतलब य की, नवला — कापडानं  
ठिगळासे जूना कापडानं धान्या पडिन — फाट जाय.

२२ कूदू माणूस अगूरन रस जूना दूदी मां — नी

मेके अेने मेके ती, दूदी फूट जाय. अगूर – रस व दूदी नाश होय जाय. ती नवला अगूररस. नवला दूदी मां मेकणें ठीक रव्हे.

**येशू चूरवलू दाटडानं भगवान,**

२३ असो हयो की चुरवले दाहाडे. रवेत माइन – जाता जाता. येशूनं चेला कणसे तूडता गया. (रविवार)

२४ तत्यार फरिसीनं पुठारी कहणें लाज्या की. चूरवले दाहाडे. ये असा काय काम करे? जो काम नी वारू होय.

२५ चू तीनू काजे कयो की. दाविद अेने तेरे – साथी काजे भूक लागी ती चे काय कच्या. तुमूक मालम छे काय?

२६ मुरव्य पुठारी अब्याथार भगवान न – मंदीर मां कसं गयू पुठारी शिवाई चाँ – रवाणें मनाई हती. चे कसा काय रवादा दिसरा – काजे कसा खाणें आप्या. य तुमू पुस्तक मां वाच्या की नी?

**३ दितवारनं दाहाडे. सुकला हातंन माणसों – काजे वारू कच्यू.**

१ अळते यू मंदिर मां गयू चाँ सारे – एक सुकला

हात वाळू माणूस होतू.

२ तेरे पर दोष लागाने करीन. यू माणूस चूरवले  
— दाहाडे. मांदला काजे वारू करें — तीनाक चूकीमां  
धरने करीन माणसे टीपीन बस रया.

३ तत्यार सूकला हात वाळा माणसों काजे — कयू  
की, उठ अेने वीच मां उबू रय.

४ तत्यार चू तीनू काजे कयू की चूरवले — दाहडे.  
रवराब काम करने बूरो वारलो करने — माणसंन  
जीव वाचाड.ने. जीव लेणें इनामा रवतो. शास्त्रन  
मत काय छे? अळने चे सूब गुपचूप — रया.

५ अळते तिद्रं कठिन मनोन करीन रिस मां —  
देरव्या. तीना मांदाला काजे कयो नांबू हात कर.  
तत्यार चू नांबू हात कन्यू अेने वारू होय गयू.

६ अळते मुरव्य पुढारी बाहर आवीन येशू काजे  
— कस काय नाश करजे करीन बाहर जाइन हेरो  
दीया सी विचार करने बाज्या.

येशू रेट मांदला काजे वारू कन्यू.

७ अळते आपणां चेला काजे लीन दरिया भूणी —  
गयू. अने गालील मां रवता रवूब माणसे तेरे —  
पछळ गया.

८ यहूदीया, यरूसलेम, इदोम, पले धडे. वाळा –  
सोर व सिदोनंन आसपासन माणसे तेरे पछळ –  
हता. जे येशू मठ मट काम देरवीन – रेट माणसे तेरे  
चाँ आया.

९ तत्यार रवूब गर्दी हयणे से, चेगंराय जासे –  
करीन, चेला एक नांव तीयार मेकणें कयो

१० कारणं येशू रेट मांदला माणंसो काजे वारू  
कच्यू. चे माणसे दुखंणा वाळाहता. चे माणसे येशून  
– हात लागाडनेनं करता तेरे पर पडता हता.

११ जत्यार जत्यार भूत लागला माणसे तेरेचाँ  
आया. तत्यार तत्यार चे कहतला की तू भगवानम्  
पुच्यू छे.

१२ तत्यार तीनू काजे कायो की मेशे काजे – मां  
देखाडू.

**बारे चेला काजे कामें नेम्या.**

१३ जिने टेमे येशू बयडा चहडीन गयू. तत्यार  
तीना काजे जू वारू देखायू. तीना – काजे बूलायू.

१४ तत्यार तेरेनं करता बारे चेला नेवाडया.

१५ चे बी आपणें पूठी रहणों जूवे, माणंसोमां –

रवता भूते निकालीन, शिक्षण देणे करीन तीनो काजे मुकले.

१६ चू बारे जणांन नेवड करी, पछोल खतू / सिमोन काजे पेत्रस य नावं आप्यू.

१७ जबदीन पुन्यू याकोब, अने याकोबन भाईस — युहान, तीनाक बो आनेगेसि (कुराटणेन् पुन्यू) असं नावं मेक्यू.

१८ अंद्रीया, फिलिप, बर्थलमय, मत्तय, थोमा, अल्फीन पुन्यू याकूब, तद्दय, सिमोन, कनानी.

१९ येशू काजे धरीन आपण्यू, चेलू यहदा — इस्कार्योत.

**येशू भूतनं शक्ति से काम करे असे दोष — तेरे पर हतू (यूजबाब)**

२० चू घर आयू तत्यार अतरी गर्दी हतीकी. तीना काजे रुटा खाणनें पुरसत निमेळे.

२१ य समळीनं उजाड़्यू छे माणसे, तीना काजे — धरने निकळया, काहा की तिंदरो कहणं हतकी. यू गांडवायलू छे.

२२ यरुसलेम खता शास्त्री पुढारी आयाचे बी.

कहतला की. इनानं सैतान (भूत) लागलु छे. अने भूतनं पुदारीनं मदतसे भूत काजे निकाले.

२३ तत्यार तीनू काजे बुलावीन कयो की. भूत / लागलू माणूस भूत कसू काहड़से?

२४ आपस मां फूट पड़े च राज नी टेके.

२५ आपस मां फूट पड़े घर बी नी टेके.

२६ खूद भूत दुश्मल बण्यो अने फूट पड़ गई. तत्यार चू बी नी टेके टेमपर खतम हयण्यू – छे.

२७ ताकत वाळा माणंसो काजे पैहले बन्धणों – पड़े तत्यार तेरे घर मां चूरी कर सकतला.

२८ में तुमूक खरच कव्ह की माणसनं पुन्या. काजे सब पापनं माफी हयसे.

२९ बाकी माणसे चूखला जीवन (म्हाणंजे पविआत्मा) नूकता चीनी नीदां कर से तीनू काजे माफी निमेले. पूण चे हमेशानं करता पापनं दोषी बणसे.

३० तीना काजे भूत लागलू छे. असे चे कहतला करीन य कयो.

**येशन भाई बेटा.**

तत्यार तेरा भाई अने आईस बाहर खता

खबर — दिन तिनाक बुलाया.

३२ तेरे चाँ आसपास रेट माणंसे हता. चे कहणें लाग्या की बारथा तारा आइस अने भाइस तारु हेर करतला.

३३ तिनू काजे जबाब आप्यु की. कूण मारी आइस — अने भाइस.

३४ अळते तेरे आस पास बसला माणसे हता. तिनूक देखीन कयो की ये मारा भाइस आइस छे.

३५ जू कूण भगवानन् इच्छाप्रमाणें वागे. चे मारा — भाइस, चे मारी बंहणीस. अने ची मारी आइस.

**वेरनी करन्यान दाखलू.**

४ १ अळी दरिया धड़े जाइन चू शिक्षण देतू हंतू. तत्यार — तीना साथे माणंसोंन भीड़ हय गय तेरे शी चू दरिया मां — एक नावं पर वश्यू तत्यार सूब माणंसे दरिया धड़े जमीनी — पर उबा हता.

२ अळने चू दाखलू दिन शिक्षण देता देता तिनू काजेकयो.

३ समळू देख् एक वेरने वालू माणूस वेरनी करने निकळयू.

- ४ वेरता वेरता असो हयो की. थूलाक बीज वाटे पर — पड़या, तीनु बीजक चिड़ा खाय गया.
- ५ काही बीज दगड़ा काकरानं जमीन पर पड़या. चे खूप धुळु नी हयणे से बीज छाटा उग्या.
- ६ अळी दाहडू निकळयू तत्यार तप मां चे धुमचाय — गया. मुळे नी हयणें से मटा नी हया चे सूक गया.
- ७ काही बीज काटावाळा झाड़ मां पडया. झाड़े — मटा हयणें से चे मटा नी होय सक्या. तेरे शी कमाई — नी आय सकी.
- ८ थूलाक बीज वारला जमीन मां पडया चे उग्या — अने मटा हया. अळते कमाई तीसपट, साठपट, सौपट.
- ९ अळते चू कय की. जेरा समळनेनं कान छे. चे समळे.
- १० बारा जणां एने साथेन माणंसे इना दाखलानं बारा — मां पूछया.
- ११ चू तीना काजे कयू, भगवानं राजंन बारा मां तुमू — काजे सारी वाते दाखला से कहणं पड़से.
- १२ एरेनं करता चे देखे बाकी देखाय नी. समळेपूण — समजये नी तेरे शी तीद्रं मन वळावणेनं



पापन - माफी नी जड़े.

१३ चू तीनू काजे कय की. यू दाखलू तुमूक -  
समजाय नी काय? ती सब दाखला कस काय -  
समजायसे.

१४ वेरने वालू भगवानन् वात वेरे.

१५ वाटे पर भगवानन् वात वेराये, चे माणसे ये  
- छे की. भगवानन् वात समले भूत आवीन तीद्रे -  
जूळ वचन ली जातलू.

१६ चे वचन काकराळी जमीन मां वेच्या. चे  
माणसे - ये छे की. खुशी से देवनं वात समळया.

१७ बाकी काहिं कमाईनं मुळे नी हयणेंसे थोड़े  
टेमे - टीकाऊ धन्या. तीद्रे वचनो कारणं त्रास,  
आफत. आवी की. चे ठूकरायतला.

१८ काटा वाला झाड़ो मां वेच्या चे माणसे ये छे  
की. चे भगवानन् वचन समळया.

१९ अळते घर बारनं फिकिर, मालधननं, अने दिसरी  
- वातेनं लालच, से वचनोक दाबीन तेरी बड़ती -  
खतमं हय गई.

२० वारली जमीन मां वेरलो छे. चे ये की. वचन  
- समळीनं मान करे, तीस, साठ, सौपट, कमाई  
आय तला.

## दिवानं अळी बीजनं दाखलू.

२१ अळी चू तिनूक कयो की, दिवू माप अेने — खटली तळे मेकतला काय? दिवू, हमेशा दिवान जागेच मेकेजे काय?

२२ कारण तेरो मतलब य छे की, उघड होये असं काहींही — ढाकलो नीहोय. नी फैलाये असं ढाकलं नी होय.

२३ जेरा समळनं कान छे चे समळे.

२४ अळी चू तीनू काजे कयू की, जे कव्हे अने तेरे — बदल खबरदार रहजी — जिने माप से तू मापनि — आपे तीनेच मापसे मापीन आपसे, नी जादा भी.

२५ काहा की जिना जूळ छे. तीना काजे जास्ती आपसे जीना जूळ निमेळे. तिना जूळ हसे नी हसे च — निकाल लेसे.

२६ अळी चू कय की, भगवानन् राज असच छे. जस काय एक माणूस जमीन मां बीज वेरे अेने — राती सुय जाय सन्दारे उठे.

२७ अळते चे बीज उगीन मटा हये. पूण वेरन्या — काजे नी समजाये य कस काय हये.

२८ जमीन आपच कम्माई आपे, पेहले उगे, अळते

कणीस अळते दाणां.

२९ कमाई तीयार हय जाय ती. तत्यारुच चे — दातळा लीन तीयार रव्हे. की काटणेनं टेम आई गई.

३० अळी चू कयो की. देवनं राजनं बारा मां कस — क व्हीन समजाडने कसू काय दाखलू देय?

३१ देवनं राज राय दाणां सारख छे, जे जमीन मां — वेरते टेमे इने धरती पर आखा बीज मां खता — बारीक रव्हे.

३२ वेरनी होयणेनं अळतेचे, झाडो मां उगे नें — मटा हये. अने असा मटा — मटा डाळया फूटतला की, तीना झाडनं सावळी मां चिल्ला (पक्षी चिमण्या) वस्ती करतला.

३३ अळी चू दाखलू दीन तीद्रेणं समज प्रमाणे, वचन तीनू काजे समजाडतू हतू.

३४ अने बिना दाखला काय बी नी कहतलू, तेबी — एके जागे आपणां चेला काजे समजावीन कहतू हतू —

येशू आंजी काजे थमांडे.

३५ तिनेच दाहडे सांझून टेमे चू तिनूक कयो की

— आपणू पले धड़े जाजे.

३६ तत्यार माणंसनं गर्दी छुडीन तसूच नावं मां बसीन तीना काजे लिज्या तत्यार दिसरा नावे — बी तीद्रें पुठी हता.

३७ अळते दरियानं पाणी मां वादळो आवीन — नावं काजे टकराय ती. तत्यार नावं मां पाणी भराय — गयो.

३८ तत्यार चू नाव मां पछळ गादी पर सुवतू हतू तत्यार तीना काजे नीदं मां खतू जागाडयाने हे मास्तर आपणी नावं पाणी मां बुडें, तुसे काजे — काय नी लागे काय?

३९ तत्यार चू उठीन आँजी दटाड्यू, ने कय — — की. हूगुरय, ती ची आँजी एक दमं बन्द हयगई.

४० अळते तिनू काजे कय की. तुमू असा कसा — बिहतला तुमूक विश्वास नी हयो काय?

४१ तत्यार चे खूब घाबराया अने आपूस मां कहणे लाग्या की यू छे तरी कूण? दरियानं आँजी. एरो अवाज समळे:

**गरसे कर भूत लागलू मांणसों काजे येशू वारु करें.**

**५ १ अळते चे दरीया पले धड़े, गरसेकर देश मां**

— आया.

२ अळते चू नावं मां होतू तंत्यार एक गांडवायलं

— माणूस मसाणं मां खतू निकळीन येशू काजे भेटयू.

३ चू गांडवायलू माणूस मसाणं मां रहतलू, तीना

— काजे साखळे करीन बान्ध्या. ते बी चू कूदा काजे नी आवराये.

४ कारण तीना काजे रेट कावा साखळे करीन —

बान्ध्या. ते बी तीना काजे टूकड़ा टूकड़ा कर —

नारवे. तीना गांडवायला काजे ठिकाणा पर लावणं

— खूब कठिनं हतो.

५ चू हमेशा रात अने दाहडू मसाणं मां रव्हे.

बयड़ा — मां आयडतू फिरे, खुद काजे जखम कर लेये.

६ दूर खतू देख्यू दवडीन येशूनं पाया पड़यू.

७ अळी चू मटे आयडीन कयो की, भगवानंन,

पुन्यु — येशू आमरे इचंमां काह आयू. मी तुसेक

देवने आणं घालीन कयो, तू मेसे पीडे मां.

८ अळते येशू तीना काजे कयो की खराब शक्ति

माणस मां खती निकळी.

९ तंत्यार तीना काजे पूछयो तारो नाव काय छे?

मांर नावं सैना छे. आमूसूबछे.

१० अळी चू विनंवणी करीन कयो की, आमरा देश मां झूणीं मुकले.

११ बयड़ा धड़े एक सूवरनं टुळू चरतू हतू.

१२ तत्यार भूत येशू काजे कयो की. आमू काजे सूवरनं टूळामां जाणेनं हुकूमं दे.

१३ तीनू काजे चू हुकूम देदू. अळते ची खराब — शक्ति तीना सूवरनं टूळामां भराया. दूय हजार — सुवर काजे किराड़ा मां खतू पाणीमं बुड़िनं मर गया.

१४ सुवर चारन्या ठासीनं गया, खेत वाळा गांव — वाळा माणंसोक असी खबर देदी. चे तीनू काजे — देखणें गया.

१५ येशूचाँ आयू. तत्यार भूतनं शक्ति वाळू — माणूस आपसा कापड़ा पांघरीन बस रहलू चे घाबाराया —

१६ जे माणसे सुवरनं टूळा काजे देख रया हता. चे माणसे दिसरा काजे खबर देदी.

१७ तीना काजे तिन वीन करीकी. आमरा भागों मां — खतू जा.

१८ चू नावं मां बसीन जातलू तत्यार. पेहले — भूत लागलू माणूस कहणें लाग्यो की. मेसे काजे —

तेरे चाँ रहणें दे.

१९ तत्यार तीना काजे कयू की. तू आपणें घर जा.  
येशू तारे उपर कसी दया कयू, च धर वाला माणसों  
काजे कहजी.

२० तत्यार चाँ खतू निकळयू, तेरेनं करता जी दया  
करली — हती, ची दकापलीस भागोंमां माणसों  
काजे कयो चे — माणसें विचार मां पड़या.

येशू याइरानं पुराय काजे वारु कयू.

२१ येशू दरिया मां खतू नांव मां बसीन पल धड़े  
— गयू. तत्यार तेरे चाँ रेट माणसे आया. दरिया — धड़ें  
हतू.

२२ एक मटू मंदिरनं पुढारी आवीन येशून् पाया  
पड़यू

२३ चू तीना काजे विनंवणी करीन कयो की, मारी  
— नान्ली पुराय मरने टेक रई तू आवीन तीनी पर —  
हात मेक ची वारु होइन जीवती रहसे.

२४ अळते चू तिद्रें पुठी गयू. तत्यार तीना — पछळ  
रेट माणसे चालीन गर्दी करतला — हता.

येशू एक पगराळा वाळी बाई काजे वारू- कन्यू.

२५ अने चां एक बारा वर्षेनं पगराळा से बीमार होती.

२६ तीनी पुरायनं दवाखानानं खूब खर्चू करीन बी काय फायदू नी हयू तीनीक खूप त्रास होतू पूण काहीनीं दवा शी ची वारू- नी हयी.

२७ येशूनं बारा मां समेळ होतो अळते ची खूबमांणसे - हता. तेवी पुराय चाँ जाइन येशूनं कापडानं हात लागाडया वारू होय गई.

२८ कारणं ची कहती हती की. में तेरा कापडानं हात - लागाडीस तेवी वारू होय जाइस.

२९ तत्यारुच तेरो खून बन्द होय गयो मारे काहीं - तरी नवीन होय गयो. असं तीनीक मालमं पड़यो.

३० येशू काजे मालमं पड़यो की. (मारा कापडा - काजे कुदू हात लागाडया कारणं) मारी काहीं तरी - शक्ति गयली अस मेसे मालम पड़े - मेशे काजे कुणं हात लागाडयू?

३१ येशूकं कयो की., तारें चां रेट माणंसन गर्दी - होती. तीबी तू, कव्हे की मेसेक कुणं छीम्यू?



३२ ची दुरवणां वाली पुराय येशूनं हात  
लागाडया. तीनीनं आस पास देरवणें लाग्यो.

३३ ची पुराय मे वारू होय गयी, य जाणीनं —  
बीहती — बीहती तेरी रवरी वात येशू काजे कव्ही.

३४ येशू तीनी काजे कयो की. पुराय तारे विखास  
— से तू वारू होय गई खुशी से जा. दूरवणां मां खती  
वारू होय गई.

**येशू याइरानं पुराय काजे वारू कन्यू.**

३५ चू बुलतूच हतू मंदिरन पुढारीनं घरं चाँ रवता  
— माणंसे आवीन तीना काजे कयोकी, पुराय मरगई  
— मास्तर काजे काह तकलीत देतला.?

३६ बाकीयेशू तीदां बूलना भूणीं ध्यान नी देदू.  
तीना पुढारी काजे कयो की. बीहे मां जाराक  
विश्वास — धर.

३७ येशू पेत्रस, याकोब अने याकोबनं भाइस  
यूहान — इद्रें शिवाई कुणीं काजे आपणें पुठी नी  
आवणे देदू.

३८ आळते चू मांदिरनं पुढारीनं घरं चाँ आयू.  
माणसे रडतला असो तेरी नजरं मां आयो.

३९ येशू घर मां गयू अने कयो की. तुमु असा —

काय रडतला? पुराय मरी नी सुवणें बाज रई.

४० तत्यार माणसे तीना काजे हासणें लाग्या. सुब काजे बाहर मुकली दीन. तेरे पुठी काहीं माणसे आसी बासा काजे – लीन पुरायन चाँ गया.

४१ अळते येशू पुरायन हात धरीन कयो की. – “दलिताकुम” एरो मतलब छे पुराय में तुसे – काजे कव्ह, उठ.

४२ तत्यारूच ची पुराय उठीनं चालने बाजी – ची बारे वर्षनं हती. देरवणें वाळा माणसें – चक्कराय गया.

४३ कूदा काजे कहती झूणी असं हुकूम तीनीक – देदू अने तीनी काजे रवाणें आपणें कव्हू.

## ६ येशू नासरेथ गांव मां

१ अळते चू चाँ रवतू निकलीन तेरो गांव गयू. तत्यार चेला बी तेरे पछळ हता.

२ अळने चूरवले दाहडे चू मंदिर मां आवीन माणसों. काजे शिक्षण देदू. रेट माणसे तेरो भाषण समळीनं – थक्क हय गया, कहणें लाग्या य शिक्षण काँ जडयो? य ज्ञान कुणं आप्यू? एरे हाथ से कतरा मटा काम – होये.

३ चू सूतार अळीचे मरिया बाईन पुन्यू - याकोब अंने योसे अने सिमोन छे चूच कीयू? अळी बहणीस आपणें पुठी छेनी काय? असं माणंसे तेरा बारा मां चकराया.

४ तत्यार येशू तीनू काजे कयू की नेवत देण्यां - माणंसनं मान होये अंस आरवे दूर नी होये. पूण तिंद्रा देश मां अेने घर मां मान नी होये.

५ थूलाक माणसे बिमार हता. तत्यार तिनु पर - हात मेकीनं वारू कन्यू तेरे शिवाई - मटं काम तीनाक नी करता आयो.

६ तींद्रू भुरसू निमेळे य देरवीन तिना काजे - जूदच लाज्य. अळते चू शिक्षण देतू-देतू गांव - गांव फिन्यू.

### येशू बारा चेला काजे काम सोप्यू

७ अळते बारे चेला काजे बुलावीन जूड़ी-जूड़ी करीन तीनू काजे मुकल्या, अळी रवराब आत्मा निकालने अधिकार आप्यू.

८ अळी चू हूकूम कन्यू की वाटये जाणेनं - करता लाकूड धर लेयू रूटा, झूळनों, पश्या, बी झूणी लेता.

९ ती बी खास डा पेहरीन चालू दूय काप.डा - झूणीं पेहरता.

१० अळीचू तीनू काजे कयू की काहना बी घरमां, जाय ती घर छू.डता तक चाँ रहजू. -11-

११ जीने जागे माणसे तुमू काजे बसा.डे नी, तुमरो - समळे नी. तत्यार तुमू तिना घर मां खता पायन धुळूझाटकीन निकळू आखरी - दाह. डा मां चू धुळू तेरू पुरावू होयसे.

१२ चे, चाँ खता निकळया, तत्यार माणसोक कयो की तुमू सब पाप छुडू.

१३ रेट मणसमं खता भूते निकळया, अेने तेल लागा.डीन मांदला वारू कन्या.

**बाप्तीस्मा करन्या यूहानन खून.**

१४ हेरोद राजा, तेरे बारा मां समळया कारणं - तेर नांव, गाजेलो हतो. चे कहतला की बाप्तीस्मा करन्यू यूहान मराला मां खतू. जीवतू हयू इनान करता असं मट काम होये.

१५ थूलाक कहतला यू एलिया छे. नेवताळा मां - यू एकूच देवनं नेवताळू छे.

१६ बाकी य समळीनं हेरोद कयू की यूहानन, मुणंको तुडय, चू जीवतू होय गयू.

१७ आपणू भाइस, फिलिप, तेरी ला.डी हेरोदीया  
— तेरेनं करता काई माणसे मुकलीन यूहान काजे —  
धरीन केद मां मेकयू कारणं तीनी पुराय पुठी हेरोद  
राजानं छाक [विवाह] कयू.

१८ यूहान तीनु काजे कयो की. आपणां भाइशनं  
— ला.डी रारवणें वारू निमेळे.

१९ तेरेनं करता हेरोदीया तेरू रवून करने विचार  
— मां हती. पूण तेरो काईनी चाल्यो.

२० कारण यूहान धम्म जातू तेरेनं करता हेरोद —  
राजा बिहतलू. अळी तेरी रारव वाली करतू होतू.  
यूहाननं कहणं कठिणं हतः ते बी समेळता हता.

२१ अळते सुपू दाहडू आयू तत्यार आपण जल्म  
— दाह.डा.पर आपणां पुढारी माणसे तसाच गालील  
— भागोनं पुढारी माणसे काजे रवाणेन नेवतो देदो.

२२ अळते हेरोदीयांन पुराय जाइन नाच करी.  
हेरोद — एने तेरे पुठी रवाणें बस रया हता तिनूक  
रवुशी — करी. हेरोद राजा पूरायक कयो की ज काय  
मांगे च — में आपीस.

२३ हेरोद वचन देदू की, आधोराज मांगसे तेबी  
— में तुसे काजे आपीस.

२४ तत्यार ची बाहर जाइन तेरी आशीष काजे

कयो. में काय मांगो? तेरी आइस तीनी काजे कयो  
की. बाप्तीस्मा करन्या यूहानन मुणंको (मागं)

२५ तत्यार ची छाटी-छाटी राजाचाँ गई. अने -  
कयो की. बाप्तीस्मा करन्या यूहानन मुंड - तू.डीन  
परात मां मेकीन मेसे आप.

२६ तत्यार राजा रबूब नराज होयू चू पेहेलेच -  
वचन देणें से जे माणंसे रवाणें बस रया हता. तेरे शी  
तिनी काजे मना नी कन्यू.

२७ तत्यार राजानं एक पहरेदार माइन एक  
शिपाई - काजे जेल मां मुकलीनं यूहानन मुणंको  
तू.डीन - लावणें कयो.

२८ तत्यार चू यूहानन मुणंको तु.डीन परात मां,  
मेकीन तीनी पुराय काजे आप्यू तत्यार ची - पुराय  
तेरी आशीष काजे आपी.

२९ य समळीन तेरा चे ला आया. जेल मां रवता  
- लास ममाण मां ली गया.

**बारे चेला पछ आवणें**

३० अळते चे आरवा चेला येशून चाँ एकठ हया. जे  
- जे काम कन्या अने जन्ज माणंसो, काजे  
शिका.डयू च तीनू काजे कयो.

३१ तत्यार चू चेला काजे कयू की. तुमू बय.डा मां

— आराम करने जाऊ. याँ सारे रेट माणंसे आवे —  
अने जाय तेरे शी रवाणेनं बी पूरसत नीमेळे.

३२ तत्यार चे नांव मां बसीन दरीया पल ध.डे —  
सूनले जागे गया.

३३ तत्यार माणंसे तीना काजे निकळतला देख्या.  
उळरवी लेदा, रेट माणंसे गांव मां रवता चाँ अगळ  
गया.

३४ येशू नांव मां रवतू उतच्यु तत्यार चू रवूब —  
माणंसन गर्दी देरवी, चे माणंसे बिगर गुवाळयानं,  
बुकडा साररवा होता. तत्यार तीना काजे दया  
आवी. अने चू तीनूक रवूब शिक्षण देणें लाज्यु.

**पांच हजार माणंसों काजे रवाणं आप्यु**

३५ दाहाडू जाइन वे ला होय गई. तत्यार चेला —  
तिनानं चाँ आया. कयो की याँ घणां — बय.डा मां  
दाहाडू जाई रयू.

३६ तत्यार आस पासन रवे.डा मां इनू माणंसोंन  
करता. वेचावयता खाणं लेणें कयो.

३७ चू तीनू काजे कयू की तुमू इनू माणंसों — काजे  
रवाणें आयू चेला तिनाक कया, आमू — दूय सौ  
रुपयानं रूटा वेचायता लीन रवाणें — आपजे?

३८ चू तीनू काजे कयो की तुमरे जूळ कतरा —  
रूटा छे? इना माणंसोनं चाँ जाइन तपास — कन्या  
तत्यार पांच रूटा अने दूय माछा — जी.डया.

३९ अळते चू अलग अलग चारा पर पगांत —  
बसणें कयो.

४० तत्यार सौ सौ अने, पचास पचासनं टूळ  
करीन पगांत बश्या. जसा ढाळया साररवा.

४१ अळते चू पांच रूटा दूय माछा लीन — स्वर्ग  
भूणीं भाळीनं आशीवदि मांग्यू रूटानं, टूक.डा करीन  
चेला काजे वाटणें कयो दूय — माछा बी वाटणें कयो.

४२ सुब माणंसे पेट भरीन रवादा.

४३ रहला रूटा एरवठा कन्या ती बारे टूपला  
भराया, माछान बी टू कड़ा रया गया.

४४ रूटा रवाण्या माणसे पांच हजार हता.

### येशू पाणीं पर चाले

४५ अळते, में इनू माणसों काजे रवबर देये तुमू  
इनी नांव मां बसीन दरियापल धडे — बैथ सेदा मां  
जाऊ असं कहताच चेला काजे — मुकल्यू.

४६ अळते माणंसो काजे समजाडीन येशू चालूच  
ब यडा मां प्रार्थना करने गयू.



४७ रात फड गई तत्यार नांव समदरन इचमा  
येशू एरवलू जमीन पर हतू.

४८ नाकडा लाकडा हालेवता—हालेवता घाबराय  
— गयला, कारण की नावन सामने से हवाहती चू  
रातीनं टेमें पाणी पर चालतू आयू तेरू अगू जाणें विचार  
होतू.

४९ चेला येशू काजे पाणी पर चालतलू देरव्या ती  
चे भूतडो छे करीन आइडू वळया.

५० चेला तीना काजे देरवीन रबूब घाबराया —  
हता — तत्यार चू लगेच तिद्रें शी वात चिन — करने  
वाज्यू. हिमंत धरू में छे बिहू मां.

५१ अळते चू नाव मां बसीन तीद्रें चां गयू. तत्यार  
हवा फडगई चे मने—मने विचारमां फड गया.

५२ कारणं की रूटा रवावडिया, तीना बारा मां  
तीनू काजे काय नी समजाये. तीद्रां मने — कठिन होय  
गयला होता.

**येशू — गनेसरत मां रूगायला मांणसक वारू कन्यू.**

५३ अळते दरीया पले जाइन गने सरेत गया. नांव  
बांद्र मेकी.

५४ चे नावं मां रवतू उतऱ्या तऱ्यार - माणंसे तीना काजे उऴरव्या.

५५ अऴी सूब भागो मां माणंसे ढासता भागता - फिऱ्या. जाँ येशू मालम फडे समऴे चाँ - सारे रवाटला पर मेकीन मांदला काजे तेरे चां लाया.

५६ अऴते चू रवेडा गांव मां शहर मां रवेतो - मां काँ बी जाय चाँ सारे तेरे चाँ मादंला - माणंसां काजे लावीन मेके. चे माणंसे तारा - काफडा काजे तरी हात लागाने दें असा - विनवणी करे जत्रा माणसे छिबे तत्रा - माणसे वारू होय जातला.

## ७ परीशी माणंसे उपर उपर रवरो देरवाडे.

१ तऱ्यार आरवा यरूसलेम रवता, परूशी-परूशी भेऴा होइन तेरे चाँ गया.

२ चे तेरा काहीं चेला काजे विना हात धूवे रवातला देरव्या.

३ परूशी अेने यहूदी माणसे जूनीरीत पाऴणीं पर हात धुया शिवाइ रूटा नी रवाय.

४ हाट रवता आवे तऱ्यार चे पाणी छितडे शिवाइ रूटू नी रवाय. तसाच, गागर, तऴया, ठाहरा धूवणें असी जूनी रीती चे पाऴतला.

५ एरे पर रवता परूशी व शास्त्री माणसें — येशू काजे पुछ्या. तारा चेला हात नी धुवे ने रवाय, काई नी करतला चे जू ना — माणंसों साररवा पाळणी काहनी नी पाळतला?

६ चू तीनू काजे कयो, ढोंगीं माणसोनं — बारा मां यशया नेवताळू वारू लिरवी. आपलू छे. य माणसें हुटो पर मेसे काजे — माने बाकी मन मां रवता दूर छे.

७ चे बिना कारण मारी भक्ती करें ये — सासतरनं नांव करीन शि काडतला पूण चाँ माणंसंन नेम छे.

८ तुमू भगवानंन हुकूम बाजू मेकतला एने, तुमू माणसोनं पाळणी पर चस्टीन रव्हे.

९ अळी चू तिनू काजे कयो माणसोनं पाळणीनं करता. तुमू भगवानन हुकूम तूडनेंन करता वारू रस्तू हेच्या.

१० कारणं मोशे कहलो छे की, तू आपणी — आसीन बासनं मान राख जू कुदू आपणां, आसीन बासनं नीदां करसे चू कायम — मरनो जूवे.

११ बाकी तुमू कहतला की. एकदू आपणां बासक आसीक कव्हे की. य में पुसणेंन करता चडा — वले छे.

१२ तत्यार तुमू आपणां बास आसीक काजे सेवा  
— नी करने देये.

१३ असा रीती से आपणू जूनी रिती भातीस देवनं  
— वचन रद करतला, अने दिसरी बी वातें करतला.

## कपटी मन

१४ तत्यार माणसोनं टूळक पछा बुलावीन कय  
की; मारी वात समळू अने समजी लेयू.

१५ माणसोनं बाहर खतो माहत जाई चो नी  
बिगाडे ती माणंसोन माहत खतो बाहर आवे, ती  
चोच — बिगाड़े.

१६ जिना कूदान समळणेनं कान होय ती समळे.

१७ अळते चू माणंसो मां खतू निकळीन घर गयू.  
— तत्यार तेरा तेरा चेला तिना दाखलानं बारा मां  
पूछ्या.

१८ तीनू काजे चू कयो की. तुमू बी अनाडू  
छेकाय? जो बाहर खतो माणंसोनं माहत जाई चो नी  
बिगाड़े; तुमू काजे नी समजाइये काय.

१९ कारण तेरो मन मां नी पूण पेट मां जाय. चो  
जीरीन पेट खतो बाहर होय जाय, तेरे शी सुब खाणों

चुखलो ठेराय.

२० अळी चू कयो की माणंसोंन खतो बाहर निकळे - चो माणंसों काजे बिगाड़े.

२१ माणसंन मन मां खता खराब विचार निकळे.

२२ खराब काम, चूरी, खून, बायरा धरने, लालूच, रिशवाळू, झगडू करन्यू, मात भर, गांडापणा - (अनाडू) खराब नजर, नीदां, लुच्चाई.

२३ यी आखी बात माहीं खती निकळे अने माणसों - काजे बिगाड़े.

**येशू सूरफूनी बाईनं भूत लागली पुराक वारु करी.**

२४ अळते चू चाँ खतू निकळीन सोर भाग मां गयू. चू चाँ एक घर मां गयू. काह की चाँ समेजण - नी जूवे असं तेरो मन मां होतो, ते बी तिना काजे - डूकाई रहणें कठिन हतो.

२५ पूण तीनी नान्ली पुरायनं भूत लागलू हतू. असं एक बाई तेरे बांरा मां समेळे ली हती. अने - बाई येशुन पाया पड़ी.

२६ ची बाई हेलेणी हती पूण ची सूरफूनी जातीनं. हती. जी येशू काजे कहणें लागी की. मारी पुराय - मां खतू काहाड.

२७ चू तीना काजे कयो की, पुन्या पेट भरीन खाणें दे. पुन्यान रुटू लीन घरुन कुत्रा काजे – नाखणें वारु नी होय.

२८ अळते ची तीना काजे उत्तर आपी, बराबर छे – महाराज ते बी घरुन कुमा बी पुन्या पारी न उसंट पड़े च खाय.

२९ तत्यार चू तीनी काजे कयो की, तारो कहणं – पटयो जा. तारी पुराय मां भूत निकळी गयू

३० अळते ची आपणें घर गई. पुराय – घर मां आथूरुणों पर पड़ रहली देखी; अने तेरे – मां खतू भूत निकळी गयू, अस बी तीनी काजे – देखायू.

**येशू बेहरा अळी बूबड़ा माणसों काजे वारु कन्यू.**

३१ अळते चू सोर भागोमंखतू निकळीनं, दकापलिस – माइन गालील दरीया भूणीं पछू आयू.

३२ तत्यार माणसें बेहरा एने बूबड़ा माणंसो काजे – तेरे चाँ लाया. चे माणसे इन् माणंसो पर हात – मेकीन प्रार्थना कर असी बिनवणी कन्या.

३३ तत्यार तीना काजे. माणसों मां खतू बाहर – लीजाइन तेरा कान मां आगूळ घाली. अळी थूपीनं

तेरी जीबकाजे हात लागड़्यू.

३४ अळी चू स्वर्ग भूणीं भाळीन उसासे नाखीन —  
कयो की (इप्फाथा) एरो मतलब छे की — मंकळो  
होय.

३५ तत्यार तेरा कान उघड़ी गया. अळते तेरी —  
बुबड़ी जाइन चू बूलने लाग्यू.

३६ तत्यार चू कयो कूदाक कहता झूणीं,  
असंसमजाड़ीन — कयो, पूण चू माणंसोंक कहता —  
कहता गया. तसं — माणंसोंक — मालम होयतो  
गयो.

३७ अळी खूब माणसे चककराय गयला, एने  
कयो — की चू सूब काजे वारु करलू छे. बेहरा काजे  
— समंळणेन, बुबड़ा काजे बूलनेन ताकत आपे.

**चार हजार माणसोंक रुटा खावाड़णें.**

८१ तीनू दाहड़ा मां असं हयो की. खूब सटा —  
माणसोंन टूळा तेरे पुठी हता. तीद्रेणें जूळ खाणेंन नी  
हतो करीन चू चेला काजे बुलावीन कयो की.

२ मेसे काजे इनू माणंसोक देखीन तरस आवे.  
कारण — ये माणंसे मारे पुठी तीन दाहाड़ानं छे. तीद्रेणें

जूळ खाणेन सीदों नी होय.

३ में तीनू काजे भूकला मुकली दीस ती चे वाटे —  
थाक जाणें होय रया कांही माणसे दूर खता आवला  
— छे.

४ तेरा चेला तीना काजे जबान देदू की, इद्रां पेट —  
भराये अभा रुटा इन् बयड़ा मां का खता लावजे?

५ चू तीनू काजे पुछ्यू तुमरे जूळ कतरा रुटा छे. चे  
तीना काजे कयो, सात रुटा छे.

६ अळते चू माणसों काजे भूई पर पगांत बसणें —  
कयो. चे सात रुटा लेदू. एने देवन् आशिवदि —  
मांग्यू रुटा भांजीन चेला काजे आप्यू. अळते — चे  
मंगातक वाटया.

७ अळी तीद्रे जूळ थूड़ा माछा बीहता. तीनू माछां  
— पर भगवानंन् आशिवादि मांगीन चे माछा बी —  
वाटणें आप्या.

८ पेट भरीन रुटा खाइन सात पाटया (सात  
खिल्ला) टूकड़ा भर लेदा.

९ रुटा खाण्या माणसे चार हजार हता. तीनू काजे —  
खबर दीन मुकल्यू

१० अळते चू आपणां चेला भेळतू नावं मां बसीन  
— दल्मनुथा भागों मां आयू.



## येशंन चेला कम समजदार (विरोध)

११ अळते चे परुशी माणसे गरबड करने लाग्या. तेरी परि कश्या देखणेन करता स्वर्ग मां खतो निशाणी माग्यां.

१२ तत्यार चू खुदनं आत्मान कप्टी होईन कयोकी, यी पीडी मारे जूळ काय मांगे. ? मे तुमू काजे – खरो कव्ह की, इनी पीडी काजे बिलकूल निशाणी – नी जडे.

१३ अळते चू तीनू काजे छूडीन नावं मां बसीन दरीया पल धडे गयू.

१४ चे रुटा लेणें विसरी गया हता – तीद्रेणें पुठी नांव – मां एकूच रुटू हतू.

१५ अळी चू बारीकाई से कयू की, मतलबी परुश्या – सी अळी हेरोद मतलबी सी समाळू.

१६ तत्यार चे आपणें जूळरुटा नी होय असा – आपस मां वात करने लाग्या.

१७ य समजीन येशू तीनू काजे कयो की. तुमरे – जूळ रुटा नी होय असू विचार काह करतला? तुमू काजे मालम नी होय काय? यं तुमू काजे – समजांये नी काय? तुमरो मन कठीण काहा हयो?

१८ तुमरा डूळा होइन बी तुमूक नी देखाये काय? कान होइन बी तुमूक नी समळाये काय? तुमूक कयो नी होय काय?

१९ में पांच हजार माणंसो काजे पाँच रुटा नी — खावाड़यू काय? रुटा खाइन कतरा खिल्ला — भन्या? चे कया बारे टूपला.

२० तसा चार हजार माणंसोक सात रुटा खावा डया. तत्यार कतरा खिल्ला भन्या? चे कयो सात.

२१ तत्यार चू तीनू काजे कयो, तुमूक हाजू समजाये — नी काय?

**येशू बेत सैदा मां आंदळा काजे नजर आप्यू.**

२२ अळते चू बेतसैदा मां आयू; तत्यार माणंसे — एक आदंळा माणंसों काजे चाँ लाया. येशूक — तिनान हात लागाने कयो. (विनंती केली)

२३ तत्यार तीना आदंळाक, हात धरीन गाँव बाहर ली गयू एने डूळा मां थूप लागाडीन तीनापर — हात मेकीन कयो की, तुसे काजे देखाये काय.?

२४ अळते चू उपर देखीन जबाब आप्यू की. मेसे — माणंसे देखाये. चे माणंसे झाड़ सारखा देखाये, ते बी चे चालतला.

२५ अळी चू तिनान डूळापर हात मेक्यू, तत्यार  
— बारीक देरव्यू, अळते, चू वारु होय गयलू अस  
देखायू.

२६ अळते तीना काजे घर मुकल्यू कयो की, इना  
— गाँव मां पाय झूणीं मेकतू.

**पेत्रस येशू यूच ख्रिस्त छे अस कबूल कन्यू.**

२७ अळते येशू अळी तेरा चेला, पिलिपंन,  
कैस-न्यांन— आस पासंन गांवों मां जाणें निकळया,  
तत्यार चू चेला काजे पूछयू की, मेसेक माणंसे काय  
कहतला?

२८ चे तिनक कयो की बाप्तीस्मा करंन्यू यूहान,  
कतराक माणंसे तीना काजे एलिया कहतला,  
काहीं— माणंसे तीना काजे देवनं नेवतळा माँ खतू  
एक छे, असा कहतला.

२९ तत्यार चू तीनू काजे पुछयू मेसे काजे तुमू —  
काय कहतला? अळते पेत्रस तीना काजे कयो की, तुमू  
ख्रिस्त छे.

३० मारा बारा मां कूदा काजे काईकहता झूणीं.  
असी तीनूक ताकीत देदी.

येशू मरने अळी जीवतू होयणेंन पेहेले खबर देये

३१ अळी चू तीनू काजे अस शिक्षण देदू की. —  
माणसंन पुऱ्या काजे खूब दूःख सूसे मटा मटा—  
माणसे पुढारी नाकारसे, जीव बी — मारसे, तीन —  
दाहड्या मां पछूं उठणं जरूरी छे.

३२ यी वात चू उघडी बुलतू हतू. ती पेञ्जस —  
तीनू काजे एक बांजू लिजाइन कहणें बाज्यू.

३३ तत्यार चू पछू वळीन चेलाक देरव्यू. अळते  
पेभस काजे कयो की. भूतडा तू मारे — सामने खतू  
जा. कारणं तारी नजरं भगवानंन — नी होय ती  
माणंसोनं छे.

**आपणी आत्मा छूडनेनं नेवतो (खबर)**

अळते चू आपण्णा चेला पुटी माणसां काजे —  
बुलावीन कयो की, जू कूणं मारे पछळ चालने —  
चाहे चू, आपणी आत्मा छूडंनों जूबे. तीनू काजे —  
मारू रब्रुश खांम उचलीन मारे पछळ चालनो पडसे.

३५ कारणं जू कुदू आपणू जीव वाचाडणें देखें, चू  
आपणां जीव काजे खूवसे. जू कुदू — मारेनं करता  
अळी देवनं वचननं करता, मरेनं — तेरु जीव  
वाचसे.

३६ काह की, माणूस आखी दुनिया मेळावी, एने  
— खुदंन आत्मानं नाश कर लेदो, ती तेरु काय —  
फायदू?

३७ माणूस आपणा जीवन करता काय आप  
सकतला.

३८ इनी छिनाळी पापी पीडी मां जीना काजे मारे  
— वचनंन लाज आवसे येशू भगवाननुदेव — दूतो  
साते महिमा से पछू आवसे. तीने टेमे — तेरी लाज  
आवसे.

### येशूनंरुप बदल्यू.

९ १ अळी चू तीनु काजे कयो की. मे तुमू काजे  
— खरच कव्ह की. तुमू याँ सारे उबा होय रया. इंद्रे  
माइन काहीं माणसे असा छे की, भगवानंनराज —  
शक्ति वाळा देखायता तक मरनेनं अनूभव नी —  
आवे.

२ अळते छोव दाहड़ा मां येशू पेन्नस, याकोब, अने  
यूहान पुठी एक सुनंले जागे उचले बयड़ा — मां गया,  
तीद्रे देखताच येशूनं रुप बदली गयू.

३ तेरा कापड़ा अत्रा झग—झग एने धवळा होय गया

की. इनी धरती पर कूदा माणंसोनं अत्रा धवळा — कापडा नी मेळे.

४ तत्यार मोशे अळी एलिया, येशू पुठी वात — करतला नंजरे पडया.

५ तत्यार पेत्रस येशू काजे कयो की, गुरुजी आपणू — याँ छे ती वारु छे तीन मांडवा — बणांवजे, एक तारेंन करता एक एलियानं करता, एक मोशेनं करता.

६ काय कहजे च तीनू काजे नी समजाये कारणं — की चे घाबराय गयलाहता.

७ तत्यार एक बादळतेरे पर आयो एने — साहळू कर लेदू. तत्यार वादंळा मां खतू — आवाज आयू की. "यू मारु लाडकू पुन्यू छे" तुमू एरी वात संमळू.

८ एक दम चे आस पास देख्या, तत्यार येशू शिवाई — तेरे पुठी कुदू नी देखाया.

९ अळते चे बयडा पर खता उतेरतला, तत्यार — चू असू हुकूम देदू की. तुमू जो देखवला छे च — माणंसोन पुन्यू मरला मां खतू जीव उठता तक — छे, कूदा काजे कहता झूणीं.

१० य बुलनों मन माँ राखीन, मरने मां खतू पछू उठणें एरा बारा मां चे एक दिसरा काजे पूछणें

बाज्या.

११ अळते चे पूछ्या, पेहले एलिया आवणो जूवे  
— असं शारत्री काह कहतला?

१२ चे जबाब आप्यु की एलिया आवीन सूब —  
काई बराबर कर से. य खरं छे ते बी मणंसोनं पुन्यु  
रेट दूख उठावसे तुच्छ मानसे. असं तेरा बारा मां  
लिखलो एरो मतलब काय?

१३ अळी बी में तुमू काजे कव्हे की. एलिया नेवताळू  
— आतलू, छे अळी तेरा बारा मां ज लिखलो छे ती  
तीनूक जसो लाज्यु तेरी वात बणावी.

भूत लागलू पुन्या काजे वारु करने चेला कमजोर.

१४ अळते चू तेरे चाँ आयू, तत्यार तेरे आस  
पासंन माणसोनं गर्दी हती, तेरे पुठी शांस्त्री माणसे  
वाद — करतला, असं तीनाक काजे देखाये.

१५ तीना काजे देखताच, सुब माणसे थक्क होय  
गया एने दवडता जाइन, तेरा पाया पडया.

१६ चू तीनू काजे पुछ्यु इद्रें शी काल — गान वाद  
चाल रयू?

१७ तत्यार माणंसोनं गर्दी माइन एक माणूस —  
तीना काजे जबाब आप्यु. गुरुजी मारु पुन्यु, बुबडान

शक्ति वाळू छे. तारे चां लावलू.

१८ अळी चू जाँ – जाँ तीना काजे धरे. चाँ, चाँ, भूयमां पाड़े, मुयँ माँ फेसटू लावीन, दात – ककड़ावे, तीना काहड़नेनं करता चेला – काजं कयो, चू तीनू काजे निकळूनी.

येशू भूत लागलू पुन्याक वारु कन्यू.

१९ इना पर कयो की, ये बिना विश्वासनं पीड़ी मां काँ – तक तुमरे पुठी रहणें? काँ तक तुमू क वागो? तीना काजे मारे चाँ लावू.

२० चे तीना काजे तेरे चाँ लाया ततयार – येशू काजे देखीन बुबड़ी शक्तिन पुन्या काजे पीळीनं भूईमां पोड़ीन मुँये – फेसटू लावीन बड बड ने लाग्यू.

२१ ततयार चू तेरा बासक काजे पुछय इना काजे, ओसं हयणेंन कतरा दाहडा होय गया? चू तीना काजे कयो की, यू नान्लू तीहींन असूच छे.

२२ इना काजे खतम करने करीन, रेट कावा आगठा मां अळी पाणी मां नारव्यू. यू वारु होयं णेनं शक होसे ती, तू आमरे पर दया एने मदत कर.



२३ येशू तीन काजे कयो की, वारु होये की नी होये — का कव्हे?

विश्वास धरने वालन करता आखो शक्य छे.

२४ अळते तत्यारुच पुन्यान बास कयू की, मारु भुरसू छे. मारु कम भुरसू तु दुर कर.

२५ तत्यार माणंसे दौड़ता आवतला देखीन, चू — वुबड़ी शक्ति काजे कयू की, वुबड़ा बेहरा तुसे — काजे हुकूम करो की, याँ खतू निकळ, पछू — याँ भरायतू झूणीं.

२६ तत्यार चूभूत आइडीन एने पींळींन निकळी गयू; चू भरला सारखू होय गयू. रेट माणंसे तीना काजे मर गयू असाकहतला.

२७ पूणं येशू तीना काजे हात लागाडीन उबू कन्यू.

२८ अळते चें घर मां गया, तत्यार चेला तीनाक पुछया आमूक भूत काहड़ता काहा नी आय? चू तीनू काजे कयो की, यी जात प्रार्थना शिवाई कबी नीं निकळे.

**येशनं मरनेनं दिसरे कावा खबर**

३० अळते चे चाँ खता निकळीन गालील भागो —

माइन जाता हता तत्यार कुणीक कृणीक यो, नी  
समजाय असं तेरो मन मां हतो.

३१ कारण चू आण्णां चेला काजे शिकाडातू हतू  
की — माणसन पुन्या माणंसोनं हातो मां आपसे चे  
तीना — काजे मार नाक से मरनेनं अळते तीसरा  
दाहडे चू पछू — जीवतू होय से.

३२ बाकी एरो बुलनेन मतलब तीनू काजे नी,  
समाजाय तीना काजे विचार पूस करने बिहया.

**येशू राजोमं सुब खतू मट कूणं?**

३३ अळते चे अगा कफरनहमं गावं मां आया. चू  
घर हतू, तत्यार चू तिनूक विचान्या की, वाटये तुमू  
काहनी वात करतला?

३४ चे काई बूल्या नी आपणें मां सुब खतू — मटू  
कूण छे? असी वाटये वात चालू हती.

३५ अळते बारे जणां काजे बुलावीन कयू की,  
जूमटू होयणों जूवें तीना काजे सुबनं सेवा करनो जूवे.

३६ अळते एक नान्ला पुन्याक तीद्रे चां लाया चू  
विलगीन धन्यु एने कयू.

३७ जू कूणं इनू पुन्या काजे मंजूर करे, चू मेसे —  
मंजूर करे, चू मेसे काजे मुकल्यु तीना काजे, मंजूर  
करे.

येशून अळी दिसरा सेवकन मान देयू.

३८ यहान तीना काजे, कयो गुरुजी आपणां चेला नी — होय असा माणूस भूत काहडे मटा — मटा काम — करतला देख्या. आमू तीना काजे मना कऱ्या. चू आपणू चेलू नी होतू.

३९ येशू तीनू काजे कयू की मना करता झूणीं. जे मारे नावं से भूते काहडे अत्र मोट काम — करीन अळते खूड नी काहडे सेके, असं कुदूनमेळे.

४० कारणं आपणेंने करता वारु नी होय चू आपणू — काजे वारलू छे.

४१ तुमू खिस्ती छे, करीन गिलास भरीन पाणी — आपसे चू आपण फळ नी चुके, असं खरच तुमू — काजे कव्ह.

दिसरा माणसों काजे खराब करने वाळू इशारु.

४२ विश्वास मेकण्या नानंला काजे पाप मां पाडे. तीना काजे गळा मां. घट्टी बांदीन दरीया — मां नाखणों यो तेरी भलाइनं कारण छे.

४३ तारु हात ठूकर खावाडें, तीना काजे काट

नाख, तेरे शी तारो भलो छे.

४४ दूय हात होयनं बी तूसे काजे हमेशा आगठों बळत रहसे कवी नी उलाये.

४५ तारु पाय तूसे टुकर खावाडें ती तू तीना काजे, काट नाख.

४६ लगंडू होयनं भगवाननं राज मां जाणें वारु दूय पाय होन बी तू हमेशा आगठा मां जाणें वारु नी होय.

४७ तारु डुळू तूसे काजे टुकर खावाडें ती तीना काजे, काहाड़ नाख कारण की आदळू होयनं भगवानन चाँ, जाणें तारेनं करता वारलो छे.

४८ चाँ सारे कीड़ा वी नी मरे आगठी वी नी उलाये. असा दडनं जागं नाख देसे, तेरे शी एक, देवनं राज मां जाणें वारु छे.

४९ हर एक माणसों काजे आगठा से साफ करिया जासे.

५० नणं (खारो) वारलो चीज छे तेरो खारलो — पणं गयो तत्यार च खारलो स्वाद कसं बणावसे? तुमू आपस मां नणं रहणों देयू एक दिसरा शी वारु' रव्हू.

## विहाव भगवानंन बणांवलं छे

१०१ अळते चू चां खतू निकळीन यडूदीया भागोंन यार्दनन पल धडें गयू. तत्यार अळी माणंसोन्नं टूळानं टूळा, तेरे चां आया, चू वारलो शिक्षणं — देणे वाज्य.

२ परुशी तेरें चां, परिकशा देखणेन विचार — से तीना काजे कयो की, अदमी वायरी काजे — छूडनेन सासतर छे काय?

३ चू तीनु काजे उतर आप्यु मोशें तुमू काजे काय — हुकूम देदू?

४ चे तीनु काजे कयो की. वायरी काजे छूडने — मोशें हुकूम आपलू छे.

५ येशु तीनु काजे कयो की, तुमरो मन कठिन करीन य हुकूम तुमरेनं करता लिखीन मेकलो छे.

६ पैयदा हयो तीन दाहाडे खतो भगवान वायरा एने, अदमी असू बणांवलू छे.

७ इने कारण से अदमी, आपणां आशी बासाक — छूडीन, आपणी लाडी काजे मेळीन रव्हे.

८ अळी चे दूय जणां एक होय से, पेहले चे दूय —  
नी हता पूण हिमीं चे एक छे.

९ ज भगवान जूडयु तीना काजे माणसे नी तुडणों  
जूवे.

१० अळते चे घर मां जाइन यूच सवाल तिनाक  
पुछ्यू.

११ तत्यार तीनू काजे कयो, जू कूदू आपणी लाड़ी  
छुडीन दिसरी करे, चू छिनाळो करे.

१२ लाड़ी आपणा लाडा काजे छुडीन, दिसरु  
विहाव करे ती ची छिनाळो करे.

**नानंला पुन्याक येशू आशिर्वाद देये.**

१३ अळते माणसे पुन्या काजे तेरे चाँ लाया, येशू  
तीनू काजे हात लागाडसे करीन, येशूनं चेला —  
माणसो पर किच वाया.

१४ य देखीन येशू काजे वारु नी लाग्य, चू तिनूक  
कयू की तीनो पुन्या काजे मना मां करु, मारे चाँ  
आवणे देयू, असान भगवाननराज छे.

१५ में तुमू काजे खरच कव्ह की, जू कूणं पुन्या.  
सारकू होय ती चे भगवानन राज मां जासे, जू —

पुन्या सारख नी रव्हे तीना काजे स्वर्गन — राजनी जडे.

१६ तत्यार चू तीनू काजे धरीन तिद्रे पर हात — हात मेकीन आशिर्वाद देदू.

## मालदार माणूस

१७ अळते चू चाँ खतू वाटये लागणेंन टेमें — एक जणं दवेडतू आवीन मांडा देकाडीन पुछयू तू वारलू गुरुजी. हमेशानं जीवनंन वतन मेळावणेंन करता में काय करो?

१८ येशू तीनू काजे कयो की, मेसे काजे वारलू काह कव्हे? एकूच देव छे तेरे शिवाई कुदू — वारु नी होय.

१९ तुमू काजे हुकूम मालम छे ने? खून मां करे छीनाळ मां करे, चूरी मां करे, झूटी गवाह — देतू झूणी, कूदा काजे ठगतू झूणी: अळी आपंणा आशी बासान मान राखजी.

२० चू येशू काजे जबाब आप्यू. गुरुजी आपंणी जूवानी माँ खता ये सब हुकूम पाळतू आयू.

२१ येशू तीनो काजे देखीन तीद्रे पर मंग कन्यू. चू तीनों काजे कयो तारे मां एक वातेन जरुरत छे. चू

तीनू काजे कयू जा, तारे जूळ होय — नी होय च  
वेचीन गरीब माणसोक काजे आप दे. ती तुसे काजे  
स्वर्गमां धन जडसे मारे पोछळ आव.

२२ य सव्द समंठीन तेरो मुयें उतेरलस सारख  
होय गयो एन निरसू होयनं जात रहलू कारण चू  
खूब मालदार हतू.

**माल धन भगवानन् राज मां अडचन**

२३ तत्यार येशू आसपास देखीन आपण्णा चेला —  
काजे कयू की. भगवानन् राज मां जाणें कतरो —  
कठीन छे च देखो.

२४ तत्यार चेला तेरा बुलने पर चाक्कराय गया.  
येशू अळी तीनूकपूछय, पुन्या भगवानन् राज मां  
जाणों कतरो कठीन छे.

२५ मालदार माणंसों काजे स्वर्गमां जाणों — खतो  
सुवीन नाच कामां खतो उटडो जाणें — सुपो छे.

२६ तत्यार सुब घाबराय गया. एक दिसराक —  
कहणें बाज्या. ती कुणींन पापनं माफी होयणों —  
जूगो छे.

२७ येशू तीद्रे भूणीं वारु देखीन कयो की, माणसों  
— काजे कठीन छे पूण भगवान काजे सुपो छे.



२८ पेत्रस तीना काजे कहणें लाग्यू की, देख —  
आमू सब छूडीन तारे पछळ आया

२९ येशू तीनु काजे उत्तर आप्यू की, मे तुमू —  
काजे खरच कव्ह, जू मारेनं करता देवनं वचनंन  
करता घर बार, भाई वहणीस आसी — बासाक,  
पुन्या पारी, खेतीवाडी छुडली छे.

३० असा माणंसोंक काजे तीने टेमे तकलीत  
भेळता — खुब सटा घर, बार भाई बहणीसं आइस,  
पुन्या — पारी खेते, आवणे वाळा स्वर्गन राज माँ —  
हमेशान जीवन जडिया सिवाई नी रव्हे.

३१ ते बी पेहले हता चे छेहला एने छेहले — हता  
चे पेहला, असं खुब माणंसोनं होयसे.

**येशू मरनेनं बारा मां तीसरे कावारवबर.**

३२ अळते चे उपर यरूसलेम माइनं जाताहता —  
ती वाटये. येशू तीद्रें पुठी हतू तत्यार चे — घाबराया  
गया चे पछा नी आय सक्या. तत्यार चू बारे जणा  
काजे बुलावीन कयो की, आपणों काय होयण्यं छे.  
चो तिनूक कहणें बाज्यू.

३३ देरव आपणूं उपर यरूसलेम मां जाता, चाँ  
सारे माणंसोन पुन्यू (येशूख्रिस्त) काजे मुखी पुढारी

याजक शास्त्रीन ताबा मां आपसे तेरू - दंड चे ठेरावसे. अळी तीना काजे नि धर्मी - माणंसोन ताबा मां आपसे.

३४ अळी तेरी हासी उड.व से तीना पर थूपसे, अळी तीना काजे ठूकसे. जीव लेसे, अळी चू तीन दाहाडा मां जीवतू होयसे.

याकूब अने यूहानन विन वणी.

३५ जब्दीनं दुय पुन्या याकोब यूहान तेरे चां आवीन कया की, गुरूजी आमू तारे जूळ ज काहीं मागंजे, च आमरेनं करता आपे - अशी आमरी इच्छा छे.

३६ चू तीनू काजे कयो की, में तुमंरेनं करता काय करो असी तुमरी इच्छा छे.

३७ चे तीना काजे कयू की. तुमू भगवानन् महिमानं राज मां एक जणांक जेवड़यू हातो भूणीं, एने एक जणा काजे डाख न्या हात भूणीं बसणें देजी.

३८ येशू तीनू काजे उत्तर आप्यू की, तुमू काय मांगतला चो तुमूक नी समजाये, जू गिलास में पीय चू तुमू काजे पीवासे काय? ज में बप्तीस्मा लेण्यू चो तुमू

लेसू काय?

३९ चे तीना काजे कया की, आमू लीसकसू. येशू तीनू काजे कयो की, जू गिलास में पिव्यू छे च तुमू बी लीसकतला यो खरो छे.

४० पूणं मारे जेवड़यू डाखन्या हातो भूणीं बसणें मारु अधिकार नी होय. जीनानं करता तीयार करलो छे. तीनाच काजे जड़से.

**खरो मोठ पणं.**

४१ य समळीनं दस जणां याकोब — यूहान इनु पर किचवायू (रिसवाया)

४२ तत्यार तिनू काजे बुलावीनं चू कयू की. नि धर्मी माणंसोनं सता मान्य कन्या. जे तिद्रें पर जूर करतला. चे माणसे तीद्रें पर अधिकार गाजाइतला.

य तुमूक मालमं छे?

४३ बाकी तुमरी वात तसी नी होय जू कुदू मटू हयणों जूवे. चू सूबोनं सेवक हयणों — जूवे.

४५ कारणं माणंसोनं पुन्यू सेवा करीन लेणें नी — आयू, ती चू सेवा करने आयू, रेट माणंसोन — पापनं माफी करीन आपणूं जीव देणें आवलू छे.

## आदंळ बार्तीमय काजे नंजर आपी.

४६ अळते चे यरीहो मां आया. तेरा चेला पुठी खूब सटा माणंसे यरीहो माइन जाता हता, तत्यार तीम यानं पुन्यु, बार्तीमय आधूंळ भिकारी वाटये बसरतलू होतू.

४७ तत्यार यू नासरेथ कर येशू छे. य सभंळीनं जूरे, अवाज दिन कयो की, ए दाविदनं पुन्या मारे पर दया कर.

४८ तत्यार तीना काजे रेट माणंसे हूगु रोय असे कयो, बाकी चू जास्तीच अवाज करने बाज्यु ए दाविदनं पुन्या मारे पर दया कर.

४९ तत्यार येशू थुडू रुकाइन तीना माणसों काजे कयू, आदंळा काजे बुलायू, एने कयो की, धीर धर, चू तुसे काजे बुलायू.

५० तत्यार चू आपणां कापडा नाखीन येशून चाँ आयू.

५१ येशू तीना काजे कय की. तारेनं करता काय करो असी तारी इच्छा छे. आदंळू तीना काजे — कयो की, मेसे नजर आप.

५२ येशू तीनू काजे कयों की. जा तार भूरसा परतू

वारु होयू, तत्यार तेरी नजर आवी. अळते चू वाटये चालने लाग्यू.

**येशू मटे धूम धाम से यरुसलेम माँ जाणें.**

**१११** चे यरुसलेमनं जेतूननं बयडा माँ खता, बेत फगे बेथानी चाँ आया, तत्यार चू — आपणां चेला माइन दूय जणां काजे अगळ — मुकलीन कयू की;

२ सामनेच गांव छे चाँ जाऊ चाँ सारे जाताच बराबर एक गदडानं पीलो बान्धलो देखायसे — तीना पर कुदू नी बश्यू होय चो छुडीन लावू.

३ तुमू असा काय करतला? असं तुमू काजे — कुदू पूछे ती कव्ह की, येशू काजे एरी — जरुरत छे. अळते चे पछा मुकली देसे.

४ चे चाँ खता निकळया, तत्यार गदडानं पीलो — बादांलो देखायो तीना पीला काजे छुडणें —

५ तत्यार चाँ सारे माणंसे उबा हता. तीनू — माणंसों काजे काई माणंसे पूछया की, इना गदडानं पीला काजे छुडीन काय करने होय रया?

६ येशू कयू तीने प्रमाणें चे तीनू काजे जबाब देदू.

ती चे तीनु काजे जाणें देदा.

७ अळते चे गदंडान पीला काजे येशू चाँ लाया  
अळते आपणां कापडा आथरी या तीना पर चू बश्यू.

८ तत्यार रेट माणंसे वाटे पर कापडा आथरिया.  
दिसरा माणंसे झाडनं डाळया तूडीनं वाटे पर  
आथरिया.

९ तेरे अगळ पछळ चालन्या माणसे असा —  
अवाज करने लाग्या "होसान्ना" भगवानन् नावं से  
आवे तेरो "धन्यवाद हो"

१० आमरा डाहला दाविदनं राज आवे — तेरो  
धन्यवाद. स्वर्ग मां होसान्ना.

११ अळते चू यरुसलेमं माँ आवीन मंदिर मां गयू  
तीनाक यरुसलेमनं — आसपास देखणें मां रात होय  
गई तत्यार चू आपणां — चेला काजे लीन बेथानी  
गयू.

**अंजीर झाड नं फळ निमेळे.**

दिसरे दाहाडे बेथानी खता निकळया तत्यार —  
तीना काजे भूक लागी.

१३ तत्यार खूब पाला वाळो एक अंजीरनं झाड

दूर खतू देख्यू. चाँ काहीं जड़से इनाविचार से — चू  
चाँ गयू. बाकी पाला शिवाई दिसरो काहीं सापड़यो  
नी. कारणं की तीना झाड़नं फळ देणेंन हगांम नी  
हतो.

१६ चे लाया, चू तीना काजे कयो की, य मुर्तीन  
नावं कूणीन छे? चे कयो की कैसरन छे.

१७ कैसरनं च कैसर काजे आपू देवनं छे चो —  
देव काजे आपू ये समळीन चे चकराय गया.

१४ तत्यार चू तीना काजे कयू की, कुद वी, तारो  
फळ नी खाणो जूवे. यी वात चेला — समळी रया  
हता.

**मंदिर मां सफाई कयू.**

१५ अळते चू यरुसलेमं माँ पुग्यू ती मंदिर मांगयू.  
चा हाट भराय रयू हतु. चाँ देण्या — लेण्या काजे —  
दौड़ायू, सोनार अळी पेर, वा वेचण्यान टूपला —  
उथलाय देदा.

१६ चू तीनू काजे मंदिर मां खतू काहली चीज —  
नी लीजाणें देदू.

१७ अळते तीनू काजे शिक्षण दिन कयो की, मारो

घर काजे आखा राजनं प्रार्थना (भक्ति) मंदिर कहसे  
असं शास्त्र मां छे ने? बाकी तुमू — इना मंदिर काजे  
चुटानं ठाणं बणांय मेक्या?

१८ मुखी, पुढारी माणंसे असं समळय ती तेरो खून  
करनेनं बारा मां यूक्ती हेरने बाज्या. तेरो शिक्षणं पर  
सूब माणंसे थक्क होय गया. करीन तीना काजे  
बिहतला.

१९ दाहाडीन शांते टेमे चे शहर खता बारथा  
जातला.

### भूरसानं ताकत (विश्वासचे सामर्थ)

२० सन्दारे चे तीने वाटये गया ती, च अंजीरनं  
झाड़ मुंळाम खतो सुकलो देख्या.

२१ तत्यार पेत्रस काजे फोम आवी, गुरजी  
आपणू — अजीरं झाड़नं सराप आप्यू होतू च झाड़  
सुक — गयो, देख.।

२२ येशू तीना काजे जबाब आप्यू, भगवान पर  
भुरसू — मेक.

२३ में तुमू काजेखरच कव्ह की, जू कुदू इना —  
बयडा काजे कव्हे की, तू दरीया मां जाइन — पड़



तत्यार आपणां मन मां काई शक नी धरनों जूवे,  
तसून तसू भुरसू मेके ती आपणू — कयो तसो हयसे.

२४ तेरनं करता में तुमू काज कव्ह की. तुमू  
प्रार्थना (विन्ती) करें ती जो काहीं. मागें ती, तुमू काजे  
जड़ गयो. असू भुरसू मेकू — ती तुमू काजे जड़से.

२६ अळी तुमू जत्यार तत्यार प्रार्थना करने उबा  
— रव्हे. तत्यार तत्यार तुमरा मन मां कूदा बदल  
कपट रव्हे. ती माफी करु, एरेनं करता की, — तुमरु  
स्तर्गमं वाळू बास, तुमरा अपराधन — माफी  
करावली छे.

२६ तुमू माफी नी करे ती आपणू स्वर्गम वाळू देव  
बाबू आपणां अपराधनं माफी नी करे.

**येशू अधिकारनं बारा मां सवाल.**

२७ अळते चे यरुसलेमं मां आया चू मंदिर मां  
फिरतू हतू. धर्म पुढारी अळी जूना माणंसे चाँ आवीन  
पूछणें बाज्या.

२८ य काम तू कूणीनं आधारे से करतलू? तुसे य  
अधिकार कूणं आप्यो य काम करे?

२९ येशूतीनू काजे कयो की, मे बी तुमू काजे एक

सवाल पूछो – तत्यार मेसे काजे जबाब देयू. में बी  
– तुमू काजे जबाब देयू, मे बी तुमू काजे कव्हीस की  
में कुणीन अधिकार से य काम करतलू.

३० यूहाननं बाप्तीस्मा स्वर्ग मां खतू की  
माणंसोमं खतू होतू? ये मेसे काजे उत्तर आपू.

३१ तत्यार चे आपूस मां विचार करने लाग्या.  
स्वर्गमां, खतू कहजे तत्यार चू कव्हे की तेरे पर भुरसू  
कहानी मेकतला?

३२ आमू कहजे की, माणसों तरफ से होतू, ती –  
माणंसोन बिहीक लागे, बाकी सबो काजे मालम  
होतो की खरुच नेवताळू छे.

३३ ती चे येशू काजे जबाब आप्या की, आमू नी,  
जाणंतला, में बी तुमूकाजे नी देखाड़तू मे यो – काम  
कुणीन हुकूम सी करतलू.

## अंगूर बगीचानं दाखलू

१२१ अळते चू दाखलू दिन कहणें बाज्यू की.  
काहानू माणंस अंगूरनं बगीचो लागाडयू. चार तरफ  
बांधी. रस मेकणेन करता एक मटू खाडू खुदयूँ चाँ

सारे टुलू करीन, एक किरसाणं काजे ठेकू आपीनं  
दिसरे देश गयू.

२ ती फळनं टेम पर, चू किरसाणं एक पावर  
काजे, चाँ मुकल्यू. बगीचा फळनं वाटा पाडणें  
करीन.

३ तत्यार चू पावर काजे चाँ मुकल्यो ती चे —  
माणंसे तीना काजे खूब ठूकया. एने रिकामे हाते पछू  
मुकली देदा.

४ तत्यार एक अळी पावर काजे मुकल्यू ती चे  
माणंसे तीना पावरनं मुणंक फूड देदो.

५ तत्यार एक अळी पावर काजे मुकल्यू तत्यार  
तीना काजे बी खूब ठूकया चू मर गयू. दिसरा रेट  
जणांक तसाच कन्या.

६ हिमीं एक जणूं रोयू, चू मालकनं लाडकू — पुन्यू  
होतू ती तीना काजे मुकल्या चू लाडकू — होयणें से  
मान कर से इना विचार से मुकल्यू.

७ चे किरसाणं आपस मां कहणें बाज्या की — यूते  
एरु वारिश छे इना काजे मार नाकजे. तत्यार सूब  
आपणों होय जासे.

७ चे माणंसे तीना काजे मार नारव्या, बगीचानं  
बाहर नाक देदा.

९ बगीचा वालू काय करसे? तत्यार चू आवीन तीनू किरसाणं काजे खतमं कर से अळी चू – बगीचो दिसरा काजे आप देसे.

१० तुमूं धर्म पुस्तक मां य वचन नी वाच्या काय? जिना दगडा काजे राजमिस्त्री माणंसे, फालतू ठेराया. चू आज कपरे वालू दगडू बण्यू.

११ य भगवान तरफ से होये, आमरी नजर मां चकरायणें काम छे.

१२ तत्यार चे तीना काजे धरने पर हता. बाकी – माणंसोन बीक होती, यू दाखलू आमरा बारा मां छे, चे जाणं गया चे माणंसे बिहया एने छुड़ीन जात रया.

१३ तत्यार इनी वाते पर फसाने करीन, लिज्या अळी हेरोदिया जातीनं माणंसों काजे मुकल्या.

१४ अळी चे चाँ आवीन तीनो काजे कयो की, ए गुरु आमू जाणंतला की तू खरु छे. तू कुदानं वाईट नी करे. माणंसोंन मुयँ देखीन – नी बुलतलू, भगवानन् वात खरे मन से – देखाडतलू.

१५ ती कैसर काजे नाकांन पश्या आपणें वारु छे काय? इद्रं कपट उळखीनं तीनू काजे – कयो की. मेसे काजे काह पारेखतला? एक रुप्यू मारे चाँ लावू मे तीनाक देखो.

मरला मां खतू जीवतू होयणेने बारा मां सवाल

१८ सदकी माणंसे तेरे चाँ आवीन, पूछाणें बाज्या की. माणंसे जीवता नी होये.

१९ गुरु जी मोशे आमरेनं करता असं लिखिन मेक्यू की, कूदान भाइस मर गयू, पछळ - तेरी बायरीन पुन्या पारी नी होय ती, तीना दिसरा भाइस विहाव करनों जूवे कारणं की, तेरो पुन्यापारी अगा चालन जूवे.

२० एक जागे सात भाइस होसे ती, तीद्रेँ माइन पेहलू भाइस लाडी बणावी, तेरा पुन्या नी - हया चू मर गयू.

२१ अळते तीनी काजे दिसरू भाइस बणांयू - तेरा पुन्या नी हया मर गयू तसूच दिसरू - भाइस बणांयू ते बी तसच होयो.

२२ इने हिसाबसे सातू जणांन पुन्या पारी - नी हया, चे मर गया सुब रवती आरवरी ची - बायर मर गई.

२३ मरला मां रवती पछी उठसे ती ची कुजीन बयर होयसे? काह की ची सातू जणांन बायर बनली हती.

२४ येशू तीन् काजे क्यू की शास्त्र एने देवनंन शक्ति उठरवीन भूल मां पडया नी?

२५ मरला मां रवता उठीन कूदानं विहाव नी - होये ती चे स्वर्ग मां देवदूत सारखा रव्हे.

२६ पूण मरला मां रवता जीवतां हया इना मुद्दा - पर झांडन बारा मां तुमू नी वच्या काय? देव मोशे काजे काय कयो में अब्राहाम न - भगवान छे. इजाकन भगवान, याकूबनं भगवान छे.

२७ चू मरलांन भगवान नी होय ती जीवतला भगवानंन् छे. ती तुमरे चूक.

सुत रवतो मटो हुकूम काहल छे.

२८ तत्यार शास्त्री मांइन एक तींद्री वात - समळीनं जबाब देदू. देरवीन - सामने आवीन पुछ्युं की. सूबो रवतो मट हुकूम काहल छे?

२९ येशू जबाब देदू की, पेहलो य छे. की हे - इस्त्राइल समंळ आपणू परमेश्वर देव एकूच भगवान छे.

३० अळी तू आपणां भगवान पर पूरे मन शी, पूरे जीव - शी पूरे अकल शी, पूरे ताकत शी संग कर.

३१ दिसरी असे आपणें चादेवाला पर मगं कर एरे रवतो दिसरो हुकूमं निमेळे.

३२ शास्त्री माणसें तीना काजे कयो की. ए गुरु  
य - सूब वारू छे. तू रवरच कयो की. चू एकूच तीना  
काजे छुडीन कुदू नी होय.

३३ अळी तीना काजे कयो, सारे मन शी, अळी -  
सारी बुध्दीशी, अळी ताकत शी मंग रारव - आपणें  
चादें वाळा काजे बी मंगं करनो, एरे शिवाई काहलो  
हुकूम मटो नी होय.

३४ येशू तेरी वात समजीनं जबाब आप्यू. तत्यार  
तीना काजे कयू. तू भगवानंन् राज मां रवतू दूर - नी  
होय. तीना काजे पूछणें कुदान हिमंत नी आवी.

### दाविदन पुन्यु येशू भगवान

३५ आळते येशू मंदिर मां शिक्षण दिन कयू की.  
शास्त्री तुमू काह कहतला की. येशू दाविदनं पुन्यु छे.

३६ कारणं दविद रवूद चूरवला माँ आवीन कयो  
- की. परमेश्वर मारो भगवान काजे कयो, में तारा  
दुश्मल काजे पाये तळे दाबता लगन, तू मारे -  
जेवडे हाते बस रया.

३७ दविद रवूद तीना प्रभू कहतलू ती तेरू पुन्य  
कसू - होयसे? आरवा माणसें रवुशी से समळी रया  
हता.

## शास्त्री माणसंन बारा मां सल्ला (इशारू)

३८ अळी चू आपणा शिक्षण मां तीनू काजे कयो की शास्त्री माणसों से समळीन रव्हू नवाड गला. पेहरींन फिरे नमस्कार करे.

३९ अळीचे मंदिर मां पेहले जागू हेरे पाहँतरिया — हये चाँ बी पहेलू जागू हेरे ती तीनू काजे वारूलागे

४० अळी चे रंडायली बायरींन घर रवाय देरवा ड.नेनं करता नांवी प्रार्थना करे तीद्रों सुब रवतो जास्ती दडं होय से.

"एक रंडायली बाई देवन फाळू आपी."

४१ अळते चे पश्या भगवानंन रवजिनामां नारवणें बाज रया हता तत्यार चू मंदिर मा बसीन देरव — रयू हतू मंदिर मां माणसे कसां पश्या नारवे मटा — मटा माणसें मटी रकम नारवी.

४२ तत्यार एक कंगाल रंडायली बाई एक दमडी, एक अदलू नारवी.

४३ तत्यार चू आपणां चेला बुलावीन कयो की, में तुमू काजे रवरच कव्ह की, जे माणसे मंदिर — मां फाळू नारव्या तीद्रेंमां रडाली बाई सुब — रवती



जादा फाळू नारवी.

४४ काहा की सूब माणसे आपणी आपणीं ब.डता  
धन - मां रवता नारव्या. पूण ची र.डायली बार्ड बी  
तेरी - कमाई मां रवती जे हतो नी हतो तीना मायन  
नारवी.

मंदिरनं रवराब हयणें इनी दुनियांनं आरवरी.

१३ १ अळते चू मंदिर मां रवतू निकळीन  
जातलू, तत्यार एक चेलू मेळयू तिना काजे कयो की  
गुरूजी - देरव कसा चिरा पर चिरा मटा मटा  
बिल्डीगां. (घरे)

२ येशू तीनो काजे कयो की. मटू मंदिर देखीन -  
जमीन मां मेळावे अस याँ चिरा पर चिर रहव्यू  
निमिळे.

३ मंदिरनं सामने जैतूनन बयडा पर जाइन  
बसरयू - होतू ती पेभस, याकोब, यूहान, आद्रीया,  
ये येशू एरवलू होतू ती पूछ्या.

४ यी वात कीं होय से? वात पूरी होयणेंन टेम  
उळरवाण आमू काजे कहजी.

५ येशू तीनू काजे कोय की, कुदू तुमू काजे -

भगंलाडे. नी करीन चतराळा रव्हू.

६ रेट माणसे आवीन कहसे की. चू मेच छे असा रेट माणसों काजे ठगसे.

७ अळी तुमू लड.कीनं बारा मां समेळ सू. झूटा माणंसोंन समंळीन घाबरायता झूणी यी बात होयणें जरुडी छे पूण तभा मां आरवरी नी होये.

८ कारण राज पर राज एक दिसरा पर उठसे जागे — जागे धरती हालसे काळ पड.से तेबी यी पिड.ंन सुरूवात छे.

९ तुमू समांळू चे माणसे तुमू काजे कोर्ट मां लिजासे रवूब ठूकसे मारी गवाहनं करता, ग्राम पंचायत मां अळी सूबेदारनं चां उबा करसे,

१० सुब रवतो पेहले भगवानंन वात आरवी दुनिया मां जाणों जूवे.

११ चे तुमू काजे धरीन चुकशी करसे तेरे — पेहले तुमू काय बूलजे करीन फिकूर करता झूणी — बूलनेवाळा तुमू नी होय ती चुरवलू जीव होसे भगवान तुमू काजे चुरवली शक्तिन मदत करसे.

१२ तत्यार भाइस, भाइश्य काजे बास पुन्या काजे — रवन करनेन करता धरीन आपसे, पुन्या आपण्णा आसी — बासा ठूकीन मारसे.

१३ मारा नावनं करता चे कपट करसे (राखसे)  
पूण आखरी तक टेकसे चेच रहसे तिराच पापन माफी  
- जड.से.

१४ जाँ सारे चे माणसे नी जणों जूवे चे चाँ उभू  
रहतलू देरवसे जे माणसे यहूदीया माँ हसे चे माणसे  
- बयड.। माँ ढास जासे (पळून जातील)

१५ जू घरो पर हसे चू नेडू नी उतेरनो जूवे. काइ  
बी लेणें घर मां नी जाणों जूवे.

१६ जे रवेतो मां होसे चे काप.डा लेणे पछानी -  
आवणों जूवे.

१७ तीनू दाहाड.। माँ डिले बायरा पुन्या दूध  
खावडयान्या बायरा न कस काय होय से. कंसी तकलीत  
होय से.

१८ सेळा दाहाड.। माँ असो नी होयणों जूवे करीन  
प्रार्थना (विन्ती) करु.

१९ कारणं भगवान उत्पन्न कन्यू तीं रवतो इनी  
- धरती पर काय नीहयो सूरू रवतो आज तक अगो  
बी असं नी होये असा दाहड.। आवसे.

२० अळी चे दाहड.। भगवान कमी नी करतू ती  
कुदा - काजे बी नी निबांयतो, नेवाड.ला मांणसोनं  
करता दाहड.। कमी कर मेक्या.

२१ तीने टेमे कुदू तुमू काजे कव्हे ती रिव्रस्त वाँ छे  
देरवो चू चाँ छे, ती कुदान रवरो मानता झूणी.

२२ झूटा रिव्रस्त एने झूटा नेवताळा हजर होयसे.  
अळी तेरा नेवताळा माणंसो काजे जूदाच काम  
देरवाड.से.

२३ तुमू चतराळा रव्हू में तुमू काजे पेहले किय  
मेको.

२४ बाकी त्रास आवसे ती, तीनू दाहाडा मां  
दाहाडू — रसणं नी आपे, चांद विजाळो नी देये.

२५ आकाश माँ रवता तारा पड.से आकाशनं  
ताकत — हालने लागसे.

२६ तत्यार माणंसोनं पुन्यू, मटी ताकत से  
वादळा पर बसीन आवतलू देखायसे.

२७ तीने टेमे देवदूत मुक्लीन, धरती एने —  
स्वर्गनं चार धडे खता, तेरा नेवाडला मांगसो काजे  
एकठा करसे.

**अंजीर झाड़नं दाखलू.**

२७ अजीरं झाड़नं दाखलू लेयू तीने टेमे नरम  
होयसे एने पाला फूट जासे तत्यार समेजणां — जूवे  
उन्हाळू सडे आय रयू.

२९ तेरे हिसाब से आखाक देरवायसे. तत्यार चू झपले आय रयू असोसमजू.

३० मे तूमूकं खात्री दीन कव्ह की जाहाँ तक यो पूरो नी होये, चाँ तक भी पीड़ी पूरी नी होये.

३१ स्वर्ग धरती खतमू होयसे पूणं मार वचन खतमं — नी होये.

३२ अली तीना दाहरड़ानं बारा मां कूदा काजे — मालमं नी होये. स्वर्गनं दे वदूत काजे, मालमं नी होय. भगवाननू पुन्या काजे मालमं नी होये पूणं, बास काजे मालमं छे.

३३ खबरदार जागता रव्हू, ची टेम आवसे ती — कूदा काजे मालमं नी होये.

३४ एक माणूस बाहर गावँ गयू. तत्यार तेरा — पावन्या काजे अधिकार आपीन चू घर छुड़णेनं टेमे — हुशीयार रहणें, असो हुकूम दिनगयू. तसो य छे.

३५ हुशीयार रहजू, कारणं घरनं मालीक कत्यार आवसे सान्तू आदांरले, कुकड़ावासराक की सन्दारे य कूदा काजे मालमं नी होय.

३६ नी तत्यार चू चटदिन आवीन सुवतला देखसे.

३७ जो में तूमू काजे काव्ह ती, सुबोनं करता काव्ह, तूमू जागता रहजू.

येशू काजे धरनि आपणें करनि मनें मनें, वात विचार करे.

१४, तीहीवार होतू ती बेखंमीर रूटानं दूय, दाहाडान बाकी होता. ती तीना काजे कपट से धरनेन करता मुख्या याजक शास्त्री माणसे येशूक धरीन ठायें मारने करिन विचार कर रया—होता.

२ कारण चे कहता हता की, आपणू यं तीहीवारन टेमे नी करता, करसे ती माणसे गडबड करसे.

**बेथानी गावें मां येशू पर गदण्य तेल लागाडयो.**

३ चू बेथानी गावें मां कुडावों सिमनोनं घर खाणें बस रयू होतू. ती एक बाई खूब वारू गदण्य — तेल वाटकामां लावी. अळतेच वाटको फूडीन, च तेल येशनं मुंडे लागाडयो.

४ तत्यार रेट माणसें कयो की, इना वारला — गदण्य तेलनं काह नुकसाणं करतला.

५ तिना गदण्य तेलनं तीन सौ रूप्या खतो — जास्ती कीमंत आवती च वेचीन गरीब माणसों काजे अपता नी वारू होतो. असो तेरा बारामां कूर कूर करता हता.

६ बाकी येशू तीनू काजे कयो की, तेरे वाटये तुमूमाँजाऊ. हिनी काजे काह त्रास देतला? यी बाई मारेनं करता वारू काम करलो छे.

७ गरीब माणसे हमेशा तुमरे पुठी रहतला. तूसेक जूवे—तीद्रेन करता वारू कर सकतला, पूण में तुमरे पुठी हमेशा नी रोव्ह.

८ इ नीकज काही करने हतो चो ची कयो—यी बाई मारा गाड़नेन करता ची, पेहलेच मारे डिले गदण्य तेल लागाडियो.

९ में तुमू काजे खरो कोव्ह की, आखा दुनियाँमाँ जाँ जाँ मारो वचन फैलायसे, चाँ चाँ इनी बाईन याद फोम करसे.

**यहूदा झूट मेकीन धुकू देदू**

१० अळते बारे चेला माइन एक चेलू यहूदा इस्कार्योत मुरवी पुढारीनं हातों माँ तिनाक - धरने करीन तिदरेचाँ गयू.

११ य समळीनं तीनू काजे खूब खुशी होय. तीना काजे पश्याआपणे कयो—करीन अळते च—येशू काजे धरीन आपणेनं टेम देखतू होतू.

## आरवरी पाँहतरायः (मेजवानीं)

१२ ती हीवारन बेखमीर रूटा बणांवे तिनानं पेहले  
—दाहाड़े बली चढावता हता. तीन दाहड़े चेला  
पूछया की. आपणु तीहीवार करने करीन काँ जाजे  
असो तारो मन माँ छे?

१३ अळते चू दूय चेला काजे कयू मुकल्यू की.  
शहर माँ जाऊ एक माणूस पाणीनं डूचरो—भरीन  
जातू होसे, तत्यार तीना पछळ जाजू.

१४ चू घर माँ जासे ती चाँ वाळा घर मालक काजे  
कव्हू की, गुरू कव्हें की में मारा—चेला भेळतू  
तीहीवार खाणें करीन आमूं काजे चू जागू देखाडू?

१५ अळते चू वारु घाटाळी उपर खुली देखाडसे  
चाँ सारे तुमू तीयारी करु.

१६ अळते चैला शहर मां गया. जस कोय तसो —  
सापडणों चाँ सारे तीहीवार खाणेनं तीयारी कन्या.

१७ अळते सांझू होय गई ती, बारे चेला पुठी चू  
आयू.

१८ अळी रूटू खातू होतू तीचू कयो की, मे तुमू  
काजे खरो कव्ह, तुमरें माइन एक जणूं मेसेक —  
धरीन आपसे, चू मारे पुठी खाण्युं छे.



१९ तिद्रों नूरं पाणी उत्तरी गयो, एकेक जणं —  
पूछणें बाज्या. चू में काय?

२० चू तीनो काजे कयू की, "बारे चेला माँ" एक  
जणूछे. चू मारे पुठी परात मां हात — नाकसे चू.

२१ माणंसोंन पुन्यू तेरा बारा मां, ज लिखलो छे.  
तेरे हिसाब से जाय खरु, पूण माणंसोंन हाते —  
माणंसोंन पुन्याक धरीन आपे, तेरी हालत — कतरी  
खराब होयसे, तिना मणंसोंन, जल्म नी होयतो ती  
वारु होतो.

२२ चे रुटू खाणेंन करीन आशिर्वाद मांगीन रुटू  
भांजीन तीनू काजे कयो, लेयू, य मारो — डील छे (हे  
माझ शरीर आहे)

२३ अळी चू गिलास लीन भगवाननं आशिर्वाद  
मानीन तीनू काजे आप्यो. चे तीना माँ खता पीदा.

२४ चू तीनू काजे कयो की. मारु नवू करार सुरु  
कन्यू. य मारो खून रेट माणंसोंन करता — नाखलो  
छे.

२५ में तुमू काजे खरच कव्हो की, मे भगवाननं  
राज मां नवलो दाखरस पीयो. तीने दाहडे खता —  
तेरो उपज में पीण्यू निमेळे.

२६ अळते चे गीत गावता चाँ खता जैतूननं –  
बयडा भूणीं निकळी गया

**चेला आपणू काजे छूडीन जसे येशून सूचना**

२७ अळते येशू तीनू काजे कयो की. तुमू सूब –  
जणां टूकरायसे कारणं असं लिखलो छें की. में – गाड्रा  
वाळा काजे मारीस, तीना गाड्रावाळानं गाड्रा रिंवण्या  
तिवण्या होय जासे.

२८ तेबी में मरला माँ खतू जीवतू होयनं, तुमरे –  
अगळ गालील मां जाइसे.

२९ पेत्रस तीना काजे कयो ये सूब टूकरायसे तेबी  
में नी टूकराये.

३० येशू तिनाक कयो, में तुसे काजे खरो कव्हे  
की, आज इने राती दुय कावा कुकडा वासे ती. मेसे  
काजे तीन टेमे नाकारिस.

३१ तेबी चू खूब जूरमा माँ बुलतू होतू. तारे  
बरोबर मरणं ती में तुसेक नी नकारो. सूब जणां  
तसाच कहता हता.

**गेथ समानी बगीचा माँ येशू देष**

३२ अळते चे गेथ समानी बगीचनं जागे आया.

तत्यार चू चेला काजे कयू में प्रार्थना करो. चाँ तक तुमूं  
याँ बसू.

३३ पेन्नस याकोब यूहान इनूकाजे पुठी लिज्यू  
एने कमजूर पड़ने लाज्यू.

३४ चू तीनू काजे कयो, हिमीं मारु जीव मरने पर  
छे. मेसे खूब खराब लागे तुमूं याँ जागता रहजू.

३५ ती चू थुडू अगू जाइन जमीन पर पड़िन –  
विन्ती कच्यू जाहाँ तक होय सके. चाँ तक य टेम  
टळणों जूवे.

३६ अळी चू कहतू हतू मारा डाहला बाबा तू सूब  
काई – कर सेकतलू. यू प्यालू मारे चाँ खतू दूर कर.  
मारी इच्छा नीहोय पूणं तारी इच्छा पर होयणें दें.

३७ अळते चू आवीन देखे, ती चे सूय गयला,  
तत्यार पेन्नसक कयो, सिमोन सूय गयू काय? तुसे  
काजे थूड़े टेमे बी जागलू ख्हाये नी काय?

३८ तुमूं परिकश्या मां नी पड़े करीन, जागला  
रव्हू, एने प्रार्थना करो. आत्मान तीयारी छे, पूण  
डील कमजूर छे.

३९ चू पछू चाँ जाइन चेच शब्द कव्हीन (विन्ती)  
प्रार्थना करी.

४० पछू चाँ आवीन देखे ती चे सूय गयला तिंद्रा

डूळा खूप भारा होय गयला, य कहणों चेला काजे समजायो नी.

४१ अळी पछू तीसरे चक्कर आवीन तीनू काजे, कव्ह की सुब आराम करु टेम आय गई, देखो. माणंसोन पुन्यू पापी माणंसोनं हातो मां धरायणें मां छे.

४२ उठू आपणू जाजे, देखू मेसे धरीन आपण्यूं— सडे आयरयू.

येशू काजे धन्या.

४३ चू बुलतू होतु, अतरा मां बारें चेला माइन, एक जणू यहुदा चां आयू, तीद्रें पुठी मुख्या माणसे — शास्त्री पुढारी तरफ खता हत्यार लीन माणसे आया.

४४ तीना काजे धरीन आपण्यू होतू. चू असू पतू कय मेकयू होतू की, जेरे मुयें में गुळू दिस — चूच छे. तीना काजे धरीन बन्दा बस करीन लिजाऊ.

४५ चू आयू तत्यार तीना चां गयू, गुरुजी अस कव्हिन तिनाक गुळू देदू.

४६ तत्यार चे माणसे येशू पर हात मेकीन, तीना काजे धर लेदा,

४७ तेरे चाँ उबा होय रया हता तिद्रेँ माइन एक  
जणू म्याँनं माँ खती तरवार निकळीन, मुखी पुढारीन,  
पावरनं कान तुड नारव्यू.

४८ येशू तीनू काजे कयो एकादा, चूर काजे धरने  
करीन, हत्यार लीन जाय तसा मेसे – काजे धरने  
आया काय?

४९ में तुमरे पुठी छ्हीन दाहंडीनं शिक्षण देतलू,  
तत्यार तुमूं मेसे धन्या नी बाकी शास्त्र मां लिखलो  
छेच पूरो होये करीन असो घडें.

५० तत्यार चे तीना काजे नाखीन जात रया.

५१ तत्यार जूवान माणूस, कापड़ा पाघंरीन तेरे  
– पछळ जातू होतू, तीना काजे धन्या.

५२ अळते पाघंरेला कापड़ा नाखदीन, चू उघडूच  
ढास गयू.

**मुखी याजकनं चाँ येशूनं चूकशी.**

५३ अळते येशूक मुखी याजकनं चाँ ली गया.  
आखा माणसे डाहला मुखीचंसारे एखठा होया.

५४ पेत्रस तेरे पछोळ जातू होतू. मुखी पुढारीनं  
– वाड़ा माँ जाइन तापणे बस रयूहतू.

५५ मुखी याजक अळी सूब माणंसे येशू काजे — मारनेनं करता पुरावा हेरता हता. बाकी पुरावानी जडया.

५६ खूब माणंसे तेरा झूटा पूरावा देदा. तिद्रां पूरावा याँ ताळमेळ नी लागी.

५७ काई माणंसे तेरा बारा माँ उबा रव्हीन झूटा — पुरावू देदा, कया की.

५८ हाते करीन बान्धलों मंदिर काजे में तूड़ नाखीस, हाते नी बणां वे असलू मंदिर में — तीन दाहड़ा माँ बाँ धीस, अस कहतलू आमू समळया हता.

५९ बाकी इना पूरावा मां बी तिद्रू मेळ नी बश्यू.

६० तत्यार मुखी याजक पुढारी विचमां उबा — रव्हीन येशू काजे पुछ्यू. तु जबाब काह नी आपतू? तारा दुश्मल पुरावा देसे य काय छे?

६१ अळी बी हुगू होय रयू, चू काई जबाब नी देदू. अळी पुढारी तीना काजे पूछया. धन्यवादनं पुन्यू तूच छे नी काय?

६२ येशू कयू, में छे, तुमू माणंसोन पुन्या काजे भगवानन् जेवडे हातो भूणीं बस रहलू देखसू. वादळा माँ आवतलू देखायसे चूच — ख्रिस्त देव होसे.

६३ तत्यार मुखी याजक आपणां कापड़ा —

फाडीन कयू, आपण्णा पुरावानं काय – गरज निमेले?

६४ असली खराब वात तुम् समळे ती तुम् काजे कस लागे? तत्यार फाशी देणें लायक – छे अस आखा मेळीन ठराव करु.

६५ अळते कतराक माणसे तेरे पर थूपणें बाज्या. तेरो मुयें, ढाकीन तीना काजे घूमा दीन कहणें – बाज्या, हिमी तारु अतेज्ञानि देखाड़, पावन्या माणसे – थापडाटीन तीना काजे ताबा माँ लेदा.

**पेत्रस येशू काजे नाकारे**

६६ इनखूर पेत्रस अगणां माँ हतू. तत्यार मुखी याजकन् सेवा करने वाली नोकराणी तेरे चाँ आवी.

६७ पेत्रस चाँ तापणें होतू. तत्यार ची तीना भूणीं भालीन कयों की; तूबी नासरेथ वाळा येशू – पुठी होतू नी?

६८ बाकी चू नाकार दिन कयू, की, तू कव्हे च मेसे मालमं नी होय. इनी वातेक समज्यू, नी अळते चू बाहर गयू, तत्र मां कुकडा वासदेदा.

६९ ची नौकरानी पेत्रस काजे चाँ बी देखी, जाँ माणसे उबा हता तत्यार अळी तीना काजे पुछू. तू इद्रे माइन छे बी!

७० तेबी चू पछू नाकार कन्यू. काई माणंसे अळी पछा पेत्रस काजे पूछया. खरो तुइद्रेँ माइन गालीली छे नी.!

७१ बाकी चू सगूँन आणंदिन कहणें बाज्यू की जीना - माणंसोनं बारा माँ तुमू पूछे. तीना काजे में उळख बी नी होय.

७२ ततरी घडी द्यू टेमे - कुकड़ा वासे ती, तीन कावा नाकार दिस. असं येशू पेत्रस काजे कहलो होतू तत्यार तीना काजे फोम आवी, तत्यार तीना काजे समजायों. अळते चू खूब मटे गळू फाड़ीनं रड़यू.

रोमी सुबेदार अळी पीलातूसनं सामने येशू.

१५ १ अळते सन्दारे वेगा डाहला माणसे शास्त्री पुठी मुखी नीयांव करन्या माणंसे विचार करीन येशू काजे पिलातूसनं ताबामाँ आप्या.

२ तत्यार पिलातूस तिनाक पुछयू तू यहूदयानं राजा छे काय? चू तीनूक जबाब देदू की, आपणू कव्हे तसो नी.

३ मखी याजक तीना पर रेट गूनु लागाड़िया,

४ पिलातूस तिनाक अळी पूछयू तू जबाब देय नी? देख चे तारे पर कसा गुनु लागाड़े.



५ तेबी येशू जबाब नी देदू एरे पर खतो पिलातूस काजे जूदोच लाज्यो.

६ तीहीवारनं दाहड़ा माँ एकादा कैदीनं करता माणंसे मागंणी करे ती, चे तिनाम छुड़ देये.

७ तत्यार गुनेगार माइन कतराक माणंसे, खूनी बी हता. बरबा नावनं एक माणंस होतू.

८ माणंसोन टुळू सामने आवीन पिलातूस काजे—काला पीली करने लाज्यू. आपंणी रीती ने हिसाब—से करजे.

९ चू तीनू काजे जबाब देदू की, तुमरेनं करता में यहू ध्यानं राजा काजे छूड़नों जूवे. अस — तुमरा मनो माँ छे काय?

१० मुखी पुठारी तिना काजे हेवाय माँ धरीन आप्या. य तेरा ध्यान माँ आयो.

११ बाकी बरब्बा काजे आमरे नं करता छुड़ू यी — मागं करन्या जे माणंसे हता चे तीना काजे फूसलाया.

१२ तत्यार पिलातूस तिनू काजे पुछ्यू. ती जिना—काजे यहू ध्यानं राजा कहतला तेरो में काय करो?

१३ तीना काजे खूश खांम पर ठूक देयू, असा

आइडीन कयो

१४ पिलातूस तीनू काजे कयो—काहा? चू काय खराब काम कयू? तेबी चे जूरेच-आइडीन कयो, इना काजे खूश खामापर—ठूक देयू.

१५ तत्यार माणंसोनं गर्दी काजे, खुशी करनेन करता, पिलातूस बरब्बा काजे तिद्रेनं करता छूड़ देदू. अली येशू काजे चाबके दिन खूश—पर चढावनेनं करीन सिपाईनं ताबा माँ आप देदू.

**शिपाई येशूनं हांसी मजा करे.**

१६ अळते चे तीना काजे कचेरी माँ ली गया. सुब—टूलीनं माणंसे चाँ एकठा होय गया.

१७ अळते चे तीनानं डीलो पर जामण्या रगं वाळा—कापड़ा पेहराया. अली काटानं मुकूट गुंथीन तेरे मुंडी पर मेक्या.

१८ अलीचे तीना काजे नमस्कार करीन कहणें वाज्या. ये यहूध्यानं राजा तारू जय-जय जयकार होये.

१९ चे तेरा मुंडीपर बेज करीन ठूक्या. अलीचे तीना पर थूप्या, चे मांडा टेकाडीन तेरा पाया पडिया.

२० हांसी करीन डिल पर खता, जामण्या

कापड़ा— काहड़ीन अळते तेसच कापड़ा पेहराया,  
खुश खांब पर चढावणें करता बाहर ली गया.

येशूक खुश खांब पर ठूक्या.

२१ तत्यार सिमोन नावनं एक माणूस कुरेनी कर  
आलेक्झांदर रूफनं बास, बयड़ा माँ खतू  
जातू—होतू. तत्यार तीना काजे चे, खुश खंब  
लिजाणें करता तीनाक वेठ्यू धून्यू.

२२ अळते गुलगूथा एने मुणंका जागे तीनाक  
लाया.

२३ अळी तीना काजे खाटू दाखरस पीणें,  
आप्यू—बाकी चू नी पीदू.

२४ तत्यार तीना काजे खुश खांबां पर ठूक देदा.  
तेरा कापड़ा कुणीं काजे जूवे, करीन चे चिट्टिया,  
नारवीन कापड़ा वाटया.

२५ तीना काजे खुश खांबा पर ठूक्या, तत्यार  
दाहाडान तीसरु घंटू होतू.

२६ यू यहूदयांनं राजा छे. असं गुनानं चिट्टी —  
लिखिन तेरे पर लागाडिया.

२७ तीना पुठी दुय चूर हता. जेवडिया-डाखरिया,  
हात भूणी खुश पर खिळा ठूक्य.

२८ चू गूनेगार मां गिनला हता शास्त्र मां-  
लिखलो छे च पूरो हयो.

२९ अळते तेरे सड़े खता, जाणया आवणया  
माणसे—तीनाक देखीन मुंड हालवीन हांसी करें;  
आरे - तीन दाहड़ा मां मंदिर पाड़ीन बाधणया.

३० खूश खांब पर खतू उतर एने तारू बचाव  
कर.

३१ तसाच मुखी पुढारी शास्त्री माणसे खूब  
हांसी, करिन कयो, तू दिसरानं पापानं माफी करे ती,  
तीना काजे खुदक वाचाड़ता नी आवे काय?

३२ इस्त्राइलोन राजा ख्रिस्त खूश खांबा पर —  
खतू, उतर ती आमू भुरसू मेकजे खूश पर हता चे बी  
हांसी करता हता.

**येशू मर गयू.**

३३ छव घंटा ते नव घंटा तक आखा दुनियां मां  
आधार पड़ गयो.

३४ नववां घंटा मां, येशू जूरे आयड़ीन कयो की,  
मारा भगवान मारा भगवान मेसे कांह छुड़ देदू?

३५ तत्यार सडें उबा रहण्यां माणसे, य समळीनं  
कयो यू एलिया काजे बुलावे.

३६ कूणं एक दवेड़तू जाइन खाटलू रस, लाकड़ी पर मेकीन चूसणें करीन आप्यू. अळी कयो की, एलिया - तीना काजे उतारने आवे की नी देखजे.

३७ अळते येशू मटे आवाज करीन जीव छुड़ देदू.

३८ तत्यार मंदिर माइन चूखले जागेनं, पड़दान उपर खतू ते नेडू तक, फाटीन दूय भाग होय गयू.

३९ असी रीती से चू जीव छुड़यू, जे लाखोपति माणंसे सडे उबा होय रया हता. चे कयो की खरो यू माणंस भगवानंन पूच्यू हतू.

४० काई बायरा दूर खता देख रया हता. तिद्रें माँ मकदलिया, मरिया, नानंलू भाइस याकोब, योसे, तीद्रीं आइस मरिया सलो मे यी होती.

४१ चू गालील माँ होतू ती, चे तेरे पुढी सेवा - चाकरी करती होती. तीद्रें माइन रेट बायां यरूसलेमं खता आवला होता.

**येशू काजे बिड़ा मां गाड़ देदू.**

४२ सांझून टेम होय गई. तीयारीन दाहाडू चूखला दाहाड़नं पेहलू दाहडू होतू.

४३ तेरनं करता आरिमथायकर योसेफ यू हिमंत करीन पीलातूसनं चाँ गयू. चाँ खतू येशूनंधड मांग्यू,

तीनी सभा मां चू मटू मेहंबर होतू. चू देवन राजन बारा माँ वाट देख रयू होतू.

४४ पिलातूस काजे जूदच लाज्यो. अत्रा मां कसू मर गयू.? अळते लाखोपति माणंसों काजे बुलावीन – पुछयू. इना काजे मरीन कतरी टेम होय गयी?

४५ चे लाखोपति माणंसोन कहणें पर शी तेरो घड काजे यूसेफनं ताबा मां आप्या.

४६ चे तागांन कापड़ा वेचायता लायू खुश पर खतू तिना घड काजे दगड़ांन खाडु माँ, मेक्यू मुयँ पर मटलू दगडू मेक देदू.

४७ तीना काजे काँ मेके करीन, मक—दलिया, मरिया – योफेनं आइस मरिया खूब ध्यान शी देख रया होता.

येशू मरला माँ खतू जीवतू होयू.

**16** १ चुखलू दाहाडू गयू ती, मग्दलिया, मरिया—याकोबनं आइस मरिया, सलोमें, तिनान गदण्य तेल लागाने करीन वेचायतो लेदो.

२ हाप्तान पेहले दाहाडे सन्दारे वेगाच दाहाडू – निकळनेनं टेमे चे तीना बीड़ा चाँ आया.

३ तत्यार चे इनीक पलीक कहती होती की, बिड़ा पर खतू दगडू, आपणेंन करता कूणं दूर करसे?

४ अळते उपर देछया, तत्यार बिड़ा पर खतू, दगडू एक धडे अस तीद्रेनंजर मां पड़यू, चू खूब मटू होतू.

५ अळते चे बिड़ा मां माँही गया. तत्यार एक धवळा कापड़ा पेहरलू जूवान देखीन. जेवडे तरफ होतू, तत्यार चे भगंलाय गया.

६ चू तीनू काजे कोयू भगंलायू मां, खुश खांब पर खिळा ठूकला तीना येशू नासरेथ काजे तुमूं हेरतला नी? चू उठ गयू, याँ नी होय, तीना काजे गाड़ला ची — जागा थी होय देखू.

७ ती जाऊ, तेरा चेला एने पेत्रस काजे कव्हू की, चू अगळ गालील मां जाय रयू. असो चू तुमू काजे कयू. तिने हिसाब सी तुमरे नजरे पड़से.

८ अळते चे बिड़ामां खता बाहर निकळया, चाँ खता दौवड़या, चे चक्कराया कापता हता, कुदा — काजे काय बी नी कयो. अत्रा घाबराय गयला.

**येशू चेला काजे देखायू — दर्शन देदू.**

९ हाप्तान पेहले दाहाड़े सन्दारे चू मरला माँ खतू

जीवतू होयू, सुबोनं पेहले मगदलिया — मरिया इनी काजे देखायू. तीनीनं चू सात — भूतड़ा निकाळया होता.

१० जे रड़ता होता, तीनू काजे आखी खबर कयो.

११ हिमीं चू जीवतलू होतू, ची देखली होती. य समळीन बी तेरे पर विश्वास नी मेकया.

१२ अळते दूयजणां बयड़ा मां खता जाता — हता. तीनू काजे चू देखायू.

१३ चे जाइन दिसरा काजे कयो, तेबी कुदू — तिद्रे पर विश्वास नी मेकया.

१४ अळते ग्यारे जणां खाणें बस रया होता. तत्यार तिनूक बी चू देखायू, चे माणसे तीना काजे उठलू असा देख्या. चेबी भुरसू नी मेकया. तीनू माणंसन् भुरसू नी होय करीन, तेरे पर दूष लागाडिया

**येशूनं आखरी हुकूम.**

१५ अळते तीनू काजे कयो की, आखी दनियां मां जाइनं (फिरीन) यी बारली वातेन खबर देयू.

१६ जू भुरसू मेकीन पांणी मां बुड़ीन बाप्तीस्मा —



लेसे, तेरो पापनं माफी होयसे, भुरसू नी मेके तेरू दंड होयसे.

१७ जे भुरसू मेकण्या पृटी असीं नीशाणी रहसे. की चे भुते निकालसे नवी-नवी भाषा वृलसे.

येशू चेला काजे काम आपीन स्वर्गो मां गयू.

१८ चे साप हात मां धरसे तेवी, जहर काई नुकसान नी करे. मादंला माणंसो पर हात मेकसे ती-चे वारू होय जासे.

१९ तिद्रे पृटी वात करनेनं अळते येशू क उपर — स्वर्ग मां लिजातरयू, च भगवानन जेवडे—हात भूणीं वश्य.

२० चे चाँ खता निकलीन आखे दर खवरदेदी. जाँ तक भगवान तिद्रे माँ काम करतू होतू. चाँ तक आवणें वाली वातेनं, तेरे वचन तरफ से मदत करतू होतू.